





Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
4490/A





Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
4490/A



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
4490/A



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
4490/A








4490/A

N^o 14

V. VI. FII







MURNER, T.

47049

NEBVLO NEBVLO NVM;

Hoc est,

IOCOSERIA MODERNAE

NEQVITIAE CENSURA;

QVA HOMINVM SCELERA,

torum fraudes, Doli ac ver,

sutiae æri aëriq; expo,

nuntur publice:

CARMINE IAMBICO DIME,

tro adornata à

IOANNE FLITNERO, Franco,

Poëta Laureato.


FRANCOFVRTI

Apud Iacobū de Zetter.

Anno M.DC.XX.

G. STEEVENS

FRANCIS
JACOBI
ANNO MDCXX



CONSULTISSIMO, AMPLISSIMIS
& Spectatissimis viris,

D. DOMINICO	{	PORSIIS	{	U. J. D.
D. JOANNI-JA-				Reip. FRANC.
COBO				ciuibus pri-
D. JOANNI				mar.

TRIBVS GERMANIS FRATRIBVS,
Mæcenatibus colendis
D. D. D.

SCIO, VIRI AMPLISSIMI,
miraturos vos meam in dicendo hoc
A. V. Poemate audaciam. Scio, in-
quam. Diu hoc mihi prameditatum
est. Ab vna etenim parte absurdam
(vt prima fronte videbitur) tituli nouitatem vobis-
cum pensitabitis: ab altera materiam ipsam, inibi
tractatam, viliozem, quam qua A. V. conueniat, repu-
tabitis. Atque, vt verum quidem fatear, poterat me
inuitata libelli huius effigies à proposito dimouere,
splendoris potissimum vestri & authoritatis, quibus
assatim in nobili nostro FRANCOFVRTO apud o-
mnes indubie polletis, respectu deterritum. Sed nescio
qua erectus *euas* *am* *si* *q* tenacem propositi mentem re-
tinui. Qua de causa, vbi bina, iam dicta, obstacula è
(§) 2 pedibus

pedibus remouero, facile dedicationem vobis hanc non
adeo displicituram confido. Titulus, dixi, nouus atque
insolens videri potest. Fateor; sed videri. Reuera e-
nim non est: cum à priscis seculis ita receptum sit,
Scapha vñ vociterur Scapha, Nebulo Nebulo. Mate-
ria vilis est; & istud fateor, sed ita tamen vilis, vt non
vilissima. Si libere, quid sentiam, loqui velim, gra-
uem potius & necessariam illam respectu sui dicere
ausim. Etenim

Haud facile est, NEQVAM noscere posse
virum.


Imo vero hic Rhodus, hic salta. Sunt enim nebulo-
nes iis plerumque moribus præditi, vt nequitiam &
fraudem suã non modo nõ cuius obuiam, manibusq;
veluti palpandam prostituunt, sed & mille eam mo-
dis, milleque artibus palliare, velare atque obtegere
norint. Vestri autem respectu quin vilis sit, negare
nolo. Sed aliorum meo proposito exempla calcar ad-
dunt, quos idem, quod ego iam, fecitasse lego. Sic
SCHOPPERVS, Poeta elegans, Vita aulica specu-
lum, sub VLPIS REINIKE aliorumque anima-
lium Comædia editum, MAXIMILIANO II. Ro-
manorum Imperatori augusto dedicare non fuit ve-
ritus. Idem, qui GROBIANVM edidit, fecit. Sex-
centa alia possem adducere, si opus esset, sed res in a-
prico est. Aequa igitur vos hanc meam dedicationem
fronte suscepturos plane nullus dubito, cum præsertim
ea vos humanitate ac comitate præditos comperiar,
vt omnis omnino ambigendi scrupulus è pectore meo
iamdudum pleniss. me sit exemptus. Bene igitur va-
lete,

*te, meumque hoc quaecunque in vos studium aequi
bonique consulite. FRANCOFVRTI AD MOE-
NVM, Calendis Decembr. anno era Christiana
M. DC. XIX.*

Joannes Flitnerus, Fran-
cus, P. L.



(S) 3 A D



AD MOMVM

Pro defensione tituli

EPIGRAMMA.

IAmdudum, NE BVLO sceleste, noui,
Te nociua mihi parare tela,
Et morsus satis inuidos minari.
Nam tuos (mihi credito) ex amussi
Perspectos habeo scioque mores.
Tam dici bene nil potest ab vlllo,
Tam geri bene nil potest ab vlllo,
Quin fallaciter illud explicando
In partem rapias statim sinistram,
Subdoliue Chamæleontis instar
Ex albo facias nigrum colore
Cum tamen pice nigrior nigella
Sis ipse, & cute turpe sordidata,
Gibbo turpiculus, recuruus ore,
Pressis naribus, hispidis capillis,
Torua fronte, humeris retro reflexis,
Deorsum pede claudicans sinistro.
Si versus steriles & inuenustos
Taxabis, minus id mihi dolebit;
Cum

Cum venæ reputem meæ rigorem,
Nullius mihi conscius vel artis,
Vel acuminis eloquentiæue;
Cumq; ego ipse satis sciam superque,
Quam sit curta mihi domi suppellex.

Si vero titulum seueriorem,
Isti quem modo præfero libello,
Taxabis, minus id tibi dolendum est,
Cum vitæ malefacta cogitabis,
Nullius tibi conscius boniue,
Virtutisue, vel æstimationis.
Istud scilicet vnice elaboro,
Suo vt nomine quemq; condecorem.

Nā quis pectore non putet vaciuū,
Atque omni ratione destitutum,
Qui fœdam titulo suem Dianæ,
Bubonem titulo beet columbæ?
Par hic est ratio, recursus idem.
Quis non pectoris impotem vocaret,
Meque omni ratione destitutum,
Si malum titulo boni bearem,
Si bonum titulo mali grauarem?
Quin suem potius suem vocabo:
Qui n malum potius malum vocabo:
Quin nequam potius vocabo nequā,
Si malus bene discet actitare,
Tunc boni quoq; nomen impetrabit:
Sic

Sin minus, malus est, malus manebit,
Heus, Nequam, bene discito astitare,
Si nequam renuis malus vocari.
At dum nequitiae vacare perges,
Nequam es, Nequam eris, & maneto
Nequam.



N E B V-



NEBV LONIS NEBV LONVM,

sive


CENSVRÆ NEQVITIÆ

ODA I.

Summam opusculi continens.

N V C L E V S.

Perito in sua arte est standum.



Idem meretur integram
Peritus arte qualibet,
Quicumque callet strenue
Virum tuerier suum.
Sic Bartolus de iuribus,

Hippocrates de pharmacis,
Sic Musicus de Musica,
Et vinitor de vinea,
Pistorque de filigine
Dijudicabit optime.

A

Ego

Ego nebulonis indolem,
 Fraudes, dolos, fallacias,
 Nebulone bis scelestior
 Olim, iuuenta dum genas
 Adhuc notaret albidas,
 Cum prorsus ac ex intimis
 Cognouerim recessibus,
 Quis, queso, congruentius,
 Vniſq; cum coloribus
 Eundem Apelles pingeret?
 Vbi hanc in auram proditus
 Vix siccus essem redditus,
 Iam tunc viramq; pessimus
 Aurem obsidebat furcifer.

Hinc ergo constat, optimo
 Quod iure primas occupem.
 Hinc, quem videtis, inducem,
 Nequam refertum plurimis,
 Falsarius turpissimis,
 Vanis tenebrionibus,
 Malisq; stellionibus,
 Scaturientem scriptito,
 Huiusq; farris complicum,
 Ternas fauore symboli
 Si reſeras iniecerint,
 Infame nomen infero,
 Locumq; signo congruum;
 DIGNVM PATELLA OPERCVLYM.

Fortassis admiraberis,

Lector,

O D A I.
Hic nebulones in album confignat.



Lector, meam solertiam,
Prudentiaq; copiam,
In collocandis ordine,
Ceu singulorum postulat
A me praeminentia,
Istis homuncionibus:

A 2

Sed

Sed defines mirarier :

RERV M AGISTER VSVS EST.

Tu, si tibi scientiam

Cupis parem conquirere,

Heus, ciuitatem protinus,

Quam prisca Francorum vada,

Mæno alluente, nominant;

Adito, quando iuuerit,

Celebresque vise nundinas :

Perterritus periculo

Catior redibis illico.

Ibi nebulo turpis, rapax

Impostor, & trifurcifer,

Velut in cloacam, confluunt.

Sed quid locum determino ?

Cum cuique sit notissimum,

Quod sicut aquor piscibus,

Sic qualibet nebulonibus

Tellus abundet grandibus;

Quos tu, fidelis Delie,

Scripturienti suggerere,

Acresque iambo subiice,

Vt nexiles nequissima

Dolos cohortis concinam,

Et simplices de fraudibus

Caute cauendu instruam.

Procul hinc probi facecite :

Nequam phalanx accedite.

NOTÆ.

O D A I.
N O T Æ.

5

PERITIS in vnaquaque arte standum esse, 1.
 perspicue dicit Vlpianus in l. 1. in princip. ff. *Peritis in*
de ventre inspic. l. bonorum, de bonorum possess. l. inte- *arte sua sta-*
stato, de suis & legit. §. quod autem à nobis. in auth. *tur.*
de non alienan. l. semel. C. de re milit. lib. 12. l. 7. §. de
statu homin. cap. significauit. de homicid. cap. propo-
suisti. de probat. cap. fraternitatis. de frigid. & ma-
les. gloss. in §. praterea. Instit. de rer. diuis. Et qui-
 dem non absque ratione. Vnusquisque enim
 bene iudicat, quæ cognoscit, & horum est bonus iu-
 dex; teste Aristot. l. 1. Ethic. Stratonicus olim
 recte, Ptolemæo rege de Musica cum ipso
 • differente: Aliud, inquit, est, ô Rex, sceptrum, a-
 liud plectrum. Idem Minnaco fabro, secum de
 Musica disputanti: Non animaduertis, inquit, *Ne sumus ul-*
te supra malleum legui? Idem quoque in quen- *tra crepidâ.*
 dam, qui cum primo fuisset olitor, postea fa- *Apelles.*
 ctus musicus, de arte secum contenderet,
 pronunciauit senarium græcum vulgo cele-
 brem:

Ἄδοι τις ἢ ἐργαστος εἰδέναι τέχνην.

Quam quisque nouit artem, eam canat licet.

De malitia, quæ toto hoc opusculo per- 11.
 stringitur, neruose Bernardus scribit, quod *Malitia*
 multorum tibi sit loco: Habet, inquit, mali- *mores.*
 tia currum suum, rotis quatuor consistentem, scilicet
 impatentia, audacia, impudentia. Valde enim
 velox est iste currus ad effundendum sanguinem, qui

A 3

nec

Mali corui,
malū ouum. nec innocentia sistitur, nec patientia retardatur, nec timore frenatur, nec pudore inhibetur. Trahitur autem duobus pernicipibus equis, & ad omnem perniciem paratissimis, terrena potentia & seculi pompa. Porro president his duobus equis auriga duo: Timor & liuor. Timor quidem pompam, liuor potentiam agit. Tantas profecto vitium hoc tamq; profundas nostro seculo egit radices, vt infinitus propemodum nequitiae tyronum sit numerus. Ipsi etiam pueri ætate quanquam sint minores, malitia tamen pares. Non secus ac serpentum pulli etsi breuiiores quidem sunt, veneno tamen æquales: catuli luporum etsi venatione nocere non possunt, iam tamen sanguine gaudent & morsibus lædunt; quam similitudinem habet Chrysost. super Matth. cap. 22. Eunuchus olim quispiam, ceu refert Laertius lib. 6. & Bruson. lib. 4. cap. 11. contaminatæ famæ, inscripserat ædibus suis: Μηδὲν εἰσὶ τὸ κακὸν. Ne quid ingrediatur malum. Id videns Diogenes: Aedium, inquit, Dominus qua ingreditur? At hodie Diogenes si viueret, quid diceret?

Olim peculiare quædam nationes nequitia præ aliis insigniores dictabantur, quod par Senariorum ostendit:

Λύδι πονηροὶ, δεύτεροι δὲ Ἀιγύπτιοι,
Τεῖτοι δὲ πάντων Κάρες ἐξωλέσθητι.
*Lydi improbi, post hos secundi Aegyptii:
Tertiusq; Cares perditissimus omnium.*

At

At nostro hoc tempore tam late zizania nequitiae excreuere, ut paradoxon quoddam videri debeat, vni atque alteri nationi peculiariter eandem, & quasi κατ' ἐξοχλήν, attribuere.

Quod si tamen iocari libeat aut liceat, fatendum est, & nostris hisce temporibus quaedam vulgo nationes nequitiae nomine & gradu celebriores existimari, qua de re facetam & salsam quandam historiolum iuuat attexere. Tempore belli Smalcaldici, siue Protestantium, ut vulgo vocant, commisso inter Imperatorem & Principes protestantes acri praelio captus erat miles quidam, corpore procerus, facie truculentus, animo, ut dicebatur, ferox atque imperterritus. De cuius animositate cum ad Ferdinandum Romanorum regem (iam autem neci adiudicatus erat miser) relatum esset, iussu regis è carcere in conclauem adductus est, ut de facie ipsum, quem ob pectoris magnitudinem saepe laudari audiuerat, intueretur. Quem cum Rex interrogasset, cuius esset, atque ille Hassum se esse natione respondisset, Bonum, inquit Rex, nequitiae hoc est augurium. Cum iterum locum, vbi educatus esset, rex perquisiuisset, illeque, Inter Westphalos, dixisset, Recte, inquit Rex, conueniunt signa: sed vbi haecenus locorum vixisti? Inter Bohemos, respondit ille. Cui Rex, Omnia, inquit, conueniunt. Nam hi, quibus cum te haecenus

vixisse, & à quibus satum te esse dicis, tripe-
dum omnium sunt nequissimi. Cui miles,
Heus, inquit, Rex inuictissime, concedo
quidem, quæ dicis, sed istud te scire ve-
lim, vnā adhuc nationem deesse catalogo
huic, quæ si accenderetur, tunc demum ne-
bulonum numerum perfectum atque abso-
lutum fore.

Quam cum cognoscere voluisset Rex, im-
punitatemque liberioris dicti ipsi promissis-
set, Hispanos miles ait istos esse, tacite false-
que Regis, natione Hispani, patriam suggil-
lans. Rex ingenii ipsius acumine animique
fortitudine collaudata tantum abest, vt ob
παρρησία istum pœna affici curauit, vt mul-
to magis, stipendio donatum, saluum atque
incolumem dimiserit.

Verum vt vt sit, tantas certe nequitia v-
bique iam terrarum, vt & paulo ante dixi, ra-
dices egit, vt optimo iure Plauti istud suffra-
gium huc possis repetere, quod tale est in
Trinum,

*Novi ego hoc seculum, moribus quibus sit : malus
bonum malum*

*Esse vult, vt sit sui similis : turbant, miscent mores
mali : rapax,*

*Auarus, inuidus, sacrum profanum, publicum
priuatum habent ;*

*Hiulca gens, hæc ego doleo, hæc sunt quæ excru-
ciant :*

Hæc

O D A II.

9

*Hæc dies noctesque tibi canto, vt caueas, quod
manus non queunt
Tangere, tantum fas habent, quo manus absti-
neant.*

O D A II.

In Theologos contentiosos & nugigerulos.

N V C L E V S.

Sacris non sunt miscenda friuola,

H*vc, qui ministri ecclesiæ
Audire vultis candidi,
Cum sitis atri, pergite:
Quid vestra vosmet munia
Efflagitent, attendite.
Sacras docere literas,
Precesque crebro fundere.
Quid vos? minus nil, proh dolor!
Nam fabulas Æsopicas
Loco sacrati codicis
Nugasque plane friuolas
Narratis auditoribus:
Nux cassa quanti veneat;
Vt simius saltauerit;
Quot caseos confecerit
Stillans oculo Phylliris,
Vel ne rudes putemini,*

A S

Et

NEBVL. NEBVLO.
Hic de cæruleis prædicat anatibus.



Et imperiti caudices,
Mox disputatiunculis,
Vafrisq; questiunculis,
Lites mouetis maximas,
Probrisq; vosmet inuicem
Atrocibus proscinditis,
Vt pingue carnis frustulum,
Panisue portiunculam

Vestro

Vestro vorare munere

Catellus erubesceret.

Vel forte bacchanalia

Tumultuationibus,

Collusitationibus,

Crapulaq; clamitantibus

Cum rusticis traducitis.

Si fors habenda concio,

Claufs adhuc ocellulis,

Vix verba textus ebrii

Vel literas agnoscitis.

Proh quam scelus nefarium,

Pœnaq; dignum maxima!

Vos, vos præire semitam

Rectam decebat ad Polum:

At maximo vos impetu

Recta sub Orcum tenditis.

Quid verba profunt splendida,

Si facta defunt congrua?

Hoc ANSERES est scilicet

DEPRÆDICARE CÆRVLOS.

N O T Æ.

IT A profecto est; Omnia nunc solent

In peius ruere, & retro sublapsa referri, & cum
his magna etiam Theologorum caterua, ^{Theologorum}
quorum munus tremendum tantam ab iis ^{quorundam}
curam, ac providentiam flagitabat, ut dies ^{impietas.}
noctesque id vnice operam darent, qua
ratione multas Christo animas lucrari
possent. At eo res prohi dolor rediit,
ut plu-

ut plurima nunc eorum pars non ouicularum suarum, sed propriam, eamque terrenam, quærant salutem, ambitionem sectentur, auaritiam & monopolia exerceant, aleæ, venationi voluptatibusque indulgeant,

Et ludant in equis, canibusq; & aprici gramine campi.

Alii, qui paulo probiores videri volunt, rixas inutiles cient, culices excolant, deglutiunt camelos, templa, scholas, curias, respublicas replent tumultibus, concutiunt populos, vexant regna, sollicitant bella, diruunt ecclesias, rabidi canes, non sacri præcones, non homines, sed lupi, quibus volupe est, pecus sibi commissum deglubere, atq; vna secum in æternum exitii barathrum præcepse dâre. Neque id adeo mirum.

Vetus hæc est querela Bernardi, qua deplorat Sacerdotum quorundam malitiam: *Heu! Heu! inquit, Domine Deus! quia ipsi sunt in percussione tua primi, qui videntur in ecclesia tua primatum diligere, gerere principatum, arcem Simonis occupauerunt, apprehenderunt munitiones & vniuersam deinceps libere tradunt incendio ciuitatem. Non est iam dicere, ut populus, sic sacerdos: quia nec sic sacerdos, ut populus.*

Quid alibi miretur, nimirum lib. 3. de conf. ad Eugen. item audi: *Miror, ait, cuius ordinis sint nostri clerici. Nam in congregatione temporalium se habent, ut laici: in apparatu nobili, ut milites:*

tes: in acquisitione reddituum, ut clerici; sed non laborant, ut laici, neque pugnant, ut milites, neque euangelizant, ut clerici: & cum vtriusque ordinis esse cupiant, vtrumque deferunt, vtrumque confundunt. Et alibi: Ministri Christi sunt, & seruiunt Anti-christo, honorati domini, cui honorem non deferunt. Inde, quem quotidie vides, meretricius nitor, histri-
onicus habitus, regius apparatus. Inde aurum in fre-
nis, in sellis, in calcaribus: plus calcaria, quam altaria
fulgent. Inde mensæ splendida scyphis & cibus. Inde
comestiones & ebrietates. Inde cythara & lyra, in-
de torcularia redundantia, promptuaria plena, eru-
stantia ex hoc in aliud. Haftenus Bernardus.

Quæ si ad aliquos nostræ ætatis Theo-
logastros adaptentur, mirum, quanta vtrō-
rumque inter se harmonia existet? Ut lautis-
simam quorundam luxuriam, ἀκολασίαν, scor-
tationem, temulentiam, multa que alia & a-
trocissima & turpissima vitia taceam, quem
non commoueant lites, rixæ atque conten-
tiones, quas nonnulli & publice & priuatim
maximo cum auditorum scandalo excitant?
Si penitus illas inspexeris, mera inuidiæ &
liuoris venena deprehendes, non utilitatis,
non ædificationis, sed ambitionis, sed vanæ
alicuius gloriolæ gratia suscepta. O Theolo-
giam ἀθεόλογον! O sacrilega sacra!

Quod autem veri animarum pastoris offi-
cium sit, Ambrosius ep. 26. docet: Sobriam à
tyrbis gravitatem, seueram vitam, singulare pondus
digni-

II.

Eorumdet.
officium.

dignitas sibi vendicat sacerdotalis. Et Chrysostomus in Matth. 23. Videte, inquit, quomodo sedetis super cathedram, quia cathedra non facit sacerdotem, sed sacerdos cathedram: non locus sanctificat hominem, sed homo locum. Qui bene sederit super cathedram, honorem accipit ab illa: qui male sederit, iniuriam facit cathedra. In iudicio enim sedes. Si bene vixeris & bene docueris, omnium iudex eris. Si autem bene docueris, & male vixeris, tui solius. Nam BENE VIVENDO ET BENE DOCENDO populum instruis, quomodo viuere debeat: bene autem docendo & male viuendo Deum instruis, quomodo debeat te condemnare.

III.

*Facta laude merentur, non verba.
In Orat. consol. de patr. calam.*

Multi verbis admodum sunt prodigi, factis autem parcissimi. Tales etiam inter Theologos dantur quamplurimi, quos tamen illud Nazianzeni aduertere par erat; Non is, qui verbis sapit, mihi sapiens erit, neque is qui linguam habet volubilem, animum vero ineruditum sepulchrorum instar, quæ extrinsecus sunt ornata & speciosa, intus autem mortuorum caduera, & multum recondunt fætorē. Sed ille, qui pauca de virtute loquitur, multa vero ostendit operibus, fidemque sermonis per vitæ roborat actionem: siquidem longe mihi præstabilius est formæ pulcritudo, quæ conspici potest, quam quæ sermonis pingitur industria: nec non diuitiæ, quæ manibus continentur, quam quæ effinguntur somno ac sapientia, quæ non sermonibus splendet, sed operibus collucet. Intellectus enim bonus omnibus facientibus eam, Scriptura inquit, & non qui prædicant illam. Deni-

Deniq; quid verbis opus est? Spectemur
agendo. [Ouid. 13. Met.]

O D A III.


*In Procuratores flexiloquos, & rabulas
forenses.*

N V C L E V S.

Ius cereum, quo volunt, rabulæ
flectunt.

Censura nunc tornatiles
Iuris peritos prouocat,
Qui, ceu lubet, ius cereum
Torquent, retorquent, vellicant.
Horum n. inistrant fraudibus
Digesta, Decretalia,
Codex, Nouella, Rubrica
Dein glossa, lex, paragrahus,
Libellus atq; replica,
Mox duplica & mox triplica:
Sic triplicatur litibus,
Plicasq; inexplicabiles
Plicis plicando complicant,
Vt explicari postea
Nullo queant negotio.
Tum Baldus atq; Bartolus,
Iason, Cynus, Cuiacius
Durandus & Gomezius,
Osascus atq; Gailius,
Mascardus & Menochius,

Capi-



Capicius, Calcaneus,
Zuccardus & Giphanius
Donellus atque Bosius,
Capolla, Farinacius,
Connanus atque Accursius,
Corasius; Costalius,

Cra-

*Crauetta, Collarruias,
Forcatulus, Marsilius,
Maranta, Natta, Mantica,
Morneus atq; Mozzius,
Mudaus & Muscornius,
Pagninus, Oldendorpins,
Pinellus atq; Scipio,
Sichardus & Sigonius,
Negusantius, Sonsbecius,
Et quis retexat singulos?
Contentiosa millies
Vocantur in certamina,
Tot sensa, quot Capitolia:
Tot iura, quot volumina.
Affirmat hoc Corasius:
Idem negat Costalius.
Idem Maranta comprobat:
Idem Maranta reprobat.*

*Non continere me queo,
Quin quid noui recenseam,
Quod forte nuper accidit.
Gnatum educabat rusticus,
Quem liberalioribus
Fors manciparat artibus.
Hic cum progressu temporis
In iure sic profecerat,
Vt iuris vtriuslibet
Doctor creatus publice
Laudem referret maximam.
Noui parentes gaudii*

B

Hic

*Hic redditurus compotes
In patriam decreuerat
Migrare: sed, ne tadio
Affligeretur temporis,
Si forsit an diutius
Moras ibidem neſteret,
Digefſa ſecum detulit,
Corpusq; iuris integrum;
Vt, ſi daretur otium
Quandoq; ius euolueret.*

*Crasſum volumen intuens
Pater obſtupescit pectore,
Tacitoq; ſecum murmura
Proceritatem ſuſpiciit
Et vaſtitatem codicis;
Gnatumq; tandem interrogat,
Quorſum liber conduceret
Tam mole grandi praditus:
Reſpondet illi filius:
Heus illa, quæ maiuſculis
Excusa cernis literis,
Ius illa verum continent;
Sed illa, quæ minutulis,
Excusa cernis literis,
Hæc continent gloſſemata,
Iurisq; ſtrategemata,
Et explicatiunculas
Aſtutiores ſuggerunt,
Quibus alicuius optimum
Quandoq; ius ſubuertimus.*

Re-

Responsa condit pectore
arens; sed, en, postridie,
absente casu filio,
et occupato forsitan
perambulationibus,
tanu prehendit forcipem;
per singulasq; paginas
glossas refellit ordine,
et schedulasq; late sordidis
hinc inde spargit adibus.

Reuersus inde filius
glossasq; sparsas intuens
agno furore accenditur,
librumq; scissum conquerens
cum patre valde expostulat.

Cui subiratus pater
responsa reddit talia:
neus nate paulum comprime
et a furores effera:
Nuper per hac glossemata
urisq; strategemata
Hortum venustum perdidi.
Hinc iure libris ex tuis
Argutias has flexiles
fallaciasq; rescidi,
Ne forte tecta, pradia,
Pecudes, agros, pecuniam,
Hortosq; perdam singulos.

Tu, quinquis es, notabilem
Attende semper regulam:

B

2

VITA

VITA FORENSES HARPAGOS:

*Hi voce sunt qui literas,
Sigilla lingua perforant.*

NOTÆ.

1. **L** Ex, Cicerone teste, est vinculum ciuitatis,
Iuris & le- fundamētum libertatis, equitatis fons, mens,
gum præs- animus, consilium, sententia: & vt corpora nostra si-
tia. ne mente sic ciuitas sine lege esse non potest. Imò, te-
ste eodem, in oratione pro Aulo Cæcinna,
Qui ius ciuile contemnendum putat, is vincula re-
uellit non modo iudiciorum, sed etiam utilitatis vitæ-
que communis. Aristoteles lib. 5. de republ. cap.
9. eos, qui leges tollunt, respublicas tollere, & lib. 1.
Rhet. c. 4. Salutem ciuitatis in legibus sitam esse
asserit. Hinc Heraclitus dicebat, ciues non
minus oportere pugnare pro legibus, quam
pro mœnibus. Quod absque legibus nullo
pacto possit esse ciuitas incolumis, absque
mœnibus possit. Laert. lib. 9. cap. 1. Legibus
proposita sunt supplicia vitii, premia virtutibus:
ait Cicero 2. de Orat. Nimirum

Quid tristes querimonia,

Si non supplicio culpa reciditur?

Quid leges sine moribus

Vana proficiunt? si neq. feruidis

Pars inclusa caloribus

Mundi, nec Boreæ finitimum latus,

Durataque solo niues

Mercatorem abigunt? horrida callidi

Vin-

Vincunt æquora nauita.

Horatius lib. 3. Oda 24.

Sunt, qui leges araneorum telis adsimiles II.
faciunt, in quas si animal leuius aut imbecil- Rabularum
lum incurrat, hæret, sin maius aliquid, per- forensium
umpit, Vall. lib. 7. cap. 2. Laert. lib. 1. cap. 3. nequitia

Hi sunt qui causas protendunt adhibiti, impediunt atq; impo-
ratermissi, fastidiunt admoniti, obliuiscuntur locu- stura.

pletati. Hi sunt, qui emunt lites, vendunt intercessionem, Sequentia
deputant arbitros, iudicanda dictant, dictata conuel- omnia sunt
unt, attrahunt litigaturos, protrahunt audiendos, Cassiodori.
retrahunt transigentes. Cass. sup. illud Psal. 73. Ir-

titat aduersarius nomen tuum.
Et ibidem: Hi sunt, qui negant ciuitatibus in-
ducias, mercatoribus nundinas, emtoribus mensuras,
reuerentiam clericis, originem nobiles, locum prio-
ribus, cunctis iura, distinctis priuilegia, quibus nullum
genus hominum, ordinum, temporum cordi est.

Et eodem in loco: Hi sunt in conuiujs scurra,
in exactionibus harpyia, in colloctionibus bestia, in
questionibus statua, ad intelligendum saxei, ad iudi-
candum lignei, ad ignoscendum ferrei, ad amicitias
pardis, ad facetias vrsi, ad fallendum vulpes, ad su-
perbiendum tauri, ad consumendum minotauri. Hi
sunt, quorum si nares afflauerit cuiusquam rubiginosi
aura marsupii, confestim videbis illic oculos Argi, &
manus Briarei, & Sphynгарum ungues, & periuria
Laomedontis, Vlyssis argutias, Sinonius fallacias, fi-
dem Polymnestoris, & pietatem pigri leonis adhi-
beri.

Alanus etiam de conuestione naturæ fides caufidicorum euoluit. Genethliacon tale est: Si quis armatus est pecunia, tanquam lorica argenteis, torrentis impetum Tulliani, fulgur incurfus Hectorei, robur virtutis Herculeæ, verispellis Vlyssis vilipendit astutias. In tantum enim habendi famæ incanduit, ut Dialecticæ muta sit subtilitas, Rhetoricæ languescat ciuilitas, vbi nummorum perorat pluralitas. Et idem ibidem. Si in aurem iudicis vel aduocati susurret pecunia, Orphici lyra, carmen Amphionis, Musa Virgilii, voce pecuniæ suffocantur. Quid plura? Vbi nummus loquitur, Tulliani eloquii tuba raucescit: vbi nummus militat, Hectoreæ militia fulgura compefcuntur: vbi pugnat pecunia, virtus expugnatur Herculeæ: nummus vincit, nummus regnat, nummus imperat vniuersis.

Hinc non abs re Ouid. lib. 1. Amor. eleg. 10.

*Turpe reor, miseros empta defendere lingua,
Quod faciat magnas turpe tribunal opes.*

De istiusmodi rabulis plura qui volet cognoscere, adeat Thomæ Garzoni Piazza vniuersale, Italo sermone olim, nunc vero Germanice nundinis hisce Francofurtensibus autumnalibus editum, vbi plurima inueniet. Non me contineo, quin & Cornelii Agrippæ de hac hominum fece iudicium in medium proferam, quod in inuectiua eius de incertitudine & vanitate scientiarum tale est:

le est: Aduocatorum ac procuratorum fraudulentissima ars, suasio cooperimento subdole adornata, hac est: scire iudicem persuasione demulcere, & ad omne arbitrium vti, scire iuribus vel inuentis glossis ac commentis, leges quascunque pro libidine fingere & refingere, vel iniquis quibusque diuerticulis illas subtersugere, aut fraudulentam litem prorogare: sic citare leges, vt peruertatur aequitas, sic glossatorum adstruere authoritatem, vt subuertatur sensus legis, mensque legislatoris: in hac arte plurimum momenti habet, altum vociferari, audacemque, & in litigando clamosum & improbum esse. Isque habetur aduocatorum optimus, qui plures allicit ad litigandum, & promissa spe vincenda litis in iudicium impellit, stimulatque impiis consiliis, qui venatur appellationes, quique est egregius rabula, ac iurgiorum author, qui garrulitate ac linguae viribus nihil non possit: sed & quamuis causam, iniustam licet, alteri iudiciorum prestigiis praeferre, ac vera & iusta isto modo dubia & iniqua facere, iustitiamque ipsam suismet armis profligare, pervertere, prosternere: apud quos iustitia nihil est, nisi publica merces, at

Iudex in causa qua sedet acta probat.

Sed & ea etiam, quae non sunt rerum scilicet priuationes & silentia, precio exponunt: nam vt nullus eorum loquitur, nisi ad mercedem, ita nec tacet, nisi ad premium: exemplū puto Demosthenis, qui cū Aristodemū fabularū authorem interrogasset, quantū mercedis, vt i ageret, accepisset, & responderet ei, Talentū:

At ego, inquit, plus accepi, vt tacerem. Causidicorum siquidem lingua tam damnifica est, vt, nisi vinciat muneribus, fieri non possit, quo minus noceat.

O D A IV.

In Calumniatores ac delatores.

N V C L E V S.

Melius est, in coruos incidere, quam
in adultores.

Si quicquid exoptabile
Spectoris sententia
Vellem mihi succedere,
De cordis illud intimis
Exposcerem recessibus,
Vt, qui student calumniis,
Ab arbore ambo pendeant,
Qui gestat, ore pensilis,
Qui captat, aure nexilis.
Vix turpius calumnia,
Detractione tetrius,
In orbe crimen noscitur;
Vix vsitatius tamen
Crimen, scelusq, notius,
Quod perpetretur sapius:
Non Imperator effugit,

Non

ODA IV.
Vinum hic venale proclamar.

25



Non Principes, non Nobiles,
Non diuites, non pauperes,
Non ciuici, non rustici,
Non masculi, non foeminae,
Vitare possunt liuida
Aculeos calumniae.

E S

Quin

Quin ipsa saepe turpibus
 Virtus patet calumniis.
 Honore quamuis Casarem,
 Labore quamuis Herculem,
 Sapia^q Socratem,
 Oratione Tullium
 Vincas, tamen calumnia
 Telo peteris noxio.

Sic olim Homerum Zoilus,
 Simonidem Timocreas,
 Amphimenes^q Pindarum,
 Calumniis grauissimis
 Ausi fuere persequi.

Quid multa? quamuis adforet
 Demosthenis facundia,
 Platonis eloquentia,
 Isocratis dicacitas,
 Tamen nequiret singula
 Calumnia retexere
 Venena, damna, vulnera,
 Quibus innocentes implicat,
 Miserrime^q conficit.

Quamuis enim mendacia
 Curanda non sint anxie,
 Vetus est tamen diſterium,
 Quod ore semper gestitat
 Calumniatrix turbula,
 Locum^q saepe repperit:
 CALVMNIARE STRENVE:

Si non

*Si non nocebunt omnia,
Saltem nocebunt pleraq.*

N O T Æ.

Multi censores sunt calumniæ, pauci oso-
res. Ex censoribus, hem tibi vnum atq; alte-
rum.

I.
*Calumnia
vitium.*

Cleantes.

Κακὴργώτερον ἔδ' ἐν Διγβολῇς ἐστὶ πῶ,
Λάτρεα ᾗ ἀπατήσασα τὴν πιπείσμενον
μῖστος ἀναπλάπει πρὸς τὸν ἔδ' ἐν αἵτιον.
*Nihil fere tam est malignum, quā calumnia.
Hac enim ubi clam aliquem à se persuasum
decepit,
Odium excitat aduersus eum, qui nihil est
commeritus.*

Euripides in Alexandra.

— Λιγβολαὶ δεινὸν ἀνθρώποις κακόν.
Vehemens malum est inter homines calumpnia.

Menander.

Οὐδ' ἐν Διγβολῇς ἐστὶν ἐπιπυνώτερον.
Τὴν ἐν ἐτέρῳ ᾗ κειμένην ἀμαρτίαν.
Ἄει μέμψιν ἰδίαν αὐτὸν ἐπαιναγχεὶ λαβεῖν.
Τὸ δοκεῖν Διγβολὴν ἔσχει μείζω τῆ ποιεῖν.
*Nihil est grauius, quam calumnia
Nam quod alteri inest peccatum,
Ceu proprium suscipere necesse est.
Suspiciones maiorem pariunt calumniam,
quam ipsa facta.*

Athanas. apolog. i. Qui lapide, inquit, ictus est,
querit medicum: ictus autem calumniæ grauius,
quam lapides feriunt. Est enim calumnia claua, &
glax-

gladius, & iaculum incurabile. Sed his veritas mederi potest, quæ ubi negligitur, vulnera acerbiora fiunt.

II.
Calumnia
duplex re-
medium.

Duplex contra calumniam datur remedium: hoc dissimulandam, illud vindicandam esse ait. Prius suppeditat Menander:

ἡδὺν ἢ δ' ἐν, ἢ δ' ἐμυστικώτερον
ἢ δ' ἢ δ' ὕναλ' λοιδορέωμον φέρειν.
Ὁ λοιδορὸν γὰρ, αὐτὸ λοιδορέωμον
μὴ προσποιῆται, λοιδορεῖται ὁ λοιδορῶν.
Iucundior res nulla, nec concinnior
Conuitiantem posse quam nobis pati.
Conuitia etenim si tibi quis fecerit,
Id dissimula; & ille ipse tum qui fecerit
Tibi, facta sentiet sibi conuitia.

Posterior Basilii, epist. 65. Ad calumnias tacendum non est, ne mendacio inoffensum progressum permittamus, aut eos, qui seducti sunt, damno inherere sinamus.

Utrum nunc consultius, priusne an posterius? Mihi posterius videtur: cum præsertim idem ille Menander alibi in eandem sententiam pedibus eat, cuius en tibi Senarios:

Οὐδ' εἰ βολῆς χατὰ φρονεῖν, ἢ δ' αὖ σφοδρὴ ἢ
ψυχὴς ἐπίσταντ' αὐξάνειν αὐτὴν πνεύς,
δὲ εἰς φυλάττειν τὰ τοιαῦτα ὁρῶς ἔχει.
Spernenda non est vel minima calumnia,
Nam plurimi artem illius augenda tenent:
Quos propter illum qui cauet, recte facit.

Veruntamen anceps animi iterum hæreo, iamque fere in alterum latus propendeo, Alciati Emblemate 163. motus, quod adscribere libet:

Audent

Audent flagriferi matula, stupidi que magistri
 Bilem in me impuri pectoris euomere.
 Quid faciam? reddamne vices? sed nonne cicadā
 Ala vna obstreperam corripuisse ferar?
 Quid prodest, muscas operosis pellere flabris?
 Negligere est satius, perdere quod nequeas.

O D A V.

In milites Thraſones, gloriosos, blasphemos,
 rapaces.

N V C L E V S.

Nulla fides pietasque viris, qui ca-
 ſtra ſequuntur.

Qui castra militaria
 Exercitusq; bellicos
 Sequuntur, hos blasphemias
 Minasq; crudeliſſimas
 Exercitare conuenit,
 Per ſacra, per myſteria,
 Per paſſiones, vulnera,
 Deique per potentias,
 Per grandines, per ſidera,
 Elementa, fulmen, fulgura,
 Per turbines, tonitrua,
 Per mille tonnas Daemonum,
 Et ſi quid his horrendius,

Iura-



*Iurare oportet strenue.
 Hoc asseuerant Symbolon
 Virilis esse pectoris,
 Signumq; fortitudinis.
 His vnum idemq; creditur,
 Vel pro Deo arma sumere,*

Vel

Vel militare Demoni.
Hac vna virtus militum,
Velutq; quoddam proprium.
Sui deinde muneris
Et illud esse existimant:
Vastare sacra, persequi
Ciues, domos incendere
Igni, stuprare foeminas,
Meses opimas perdere,
Frumenta, plumas, lectulos,
In aerem dispergere,
Furtis equos, pecuniam,
Piceisq; quæ fors vnguibus
Occuritant, subducere,
Et obuientem quemlibet,
Vel sit nocens, vel innocens,
Modis scelestis angere,
Hi scilicet sunt milites,
Virig; fortes bellici,
Laboris infensissimi
Hostes, amici ignauia.
Non militant hi principi
Iuris tuendi gratia,
Sed vt rapinam exerceant
Maiore cum licentia,
Rastrig; vitent pondera.
Si forte vino exastuent,
Latitentue propugnaculis,
Proculue distent fulmine,
Horrenda sumunt cornua

Lin-

Linguaque vincunt Stentorem;
 Nihilque ferme sapius,
 Quam ferra pugnosc, verbera,
 Turmas phalanges, ordines,
 Tormenta scuta, vulnera,
 Mortesque diras intonant.

Ad arma cum concurritur,
 In crura corda decidunt,
 Horrent, pauescunt, contremunt,
 Adstantq; semimortui.

Mox quando odorant verbera,
 Velociores ceruulis,
 Pedibus saluti consulunt,
 Fugaq; terga præbitant.

Horum minis qui concidit,
 Hic iure, non iniuria,
 Demortuus sonantibus
 Bombis aselli conditur.

N O T Æ.

PHILIPPO olim cum Græcis pugnaturo,
 Diogenes in eius castra peruenit. Perdu-
 ctus igitur ad Philippum, ac rogatus, num
 speculator esset? Stultitiæ, inquit Diogenes,
 vanitatisque tuæ verus sum speculator, qui cogente
 nullo, de vita & de regno, velut ad casum aleæ, peri-
 clitaturus venis. Vtinam hodie audirent Dio-
 genem, ita loquentem, terrarum principes,
 qui sæpenumero, nulla urgente necessitate,
 pro-

propriis stimulatī affectibus bella cruentissima & plusquam ciuilia suscipiunt, in magnam suorum perniciem. Exclamem merito cum Horatio lib. Epod. Od. 7. per parodiam :

*Quo quo furentes ruitis ? aut cur dexteris
Aptantur enses conditi ?*

*Parumne campis atq; Neptuno datum
Est Christiani sanguinis ?*

*Neg; hic lupis mos, neg; fuit leonibus
Vnquam, nisi in d; spar feris.*

*Furor ne cæcus, an rapit vis acrior ?
An culpa ? Responsum date.*

*Tacent, & ora pallor albus inficit,
Mentesq; perculsa stupent.*

Et cum Virgilio, lib. 1. Georgicorum :

Quippe vbi fas versum atq; nefas : tot bella per orbem,

*Tam multa scelerum facies : non vllus aratro
Dignus honos, squalent abductis arua colonis :*

Et curue rigidum falces constantur in enses.

Hinc mouet Euphrates, illinc Germania bellum.

Vicina ruptis inter se legibus vrbes

Arma ferunt : seuit toto Mars impius orbe :

Vt cum carceribus sese effudere quadrigæ,

*Addunt se in spacia : & frustra retinacula tendens
Fertur equis auriga, neg; audit currus habenas.*

Belligeramur assidue, inquit Erasmus 4. Apoph.
cent. 1. gens cum gente colliditur, regnum cum re-
gno, ciuitas cum ciuitate, princeps cum principe, po-
pulus

pulus cum populo, & quod Ethnici quôque fatentur
 impium, affinis cum affini, cognatus cum cognato,
 frater cum fratre, filius cum patre: denique, quod e-
 go sane puto his omnibus atrocius, Christianus cum
 Christiano. Et ô cecitatem mentis humana! hæc nemo
 miratur, nemo deestatur. Sunt qui applaudant, qui
 vehant laudibus, qui rem plusquam Tartaream san-
 ctam appellant, ac principes vltro furentes instigant,
 oleum, quod aiunt, camino addentes.

Et ibidem: locus & ludus sunt in militia, do-
 mos diripere, fana spoliare, virgines rapere, solidas vr-
 bes atq; oppida incendere: Magna propterea demen-
 tia corrumpere, quod retinere non valeas. Hæc scilicet
 sunt belli decora, profuisse nemini, nocuisse quam plu-
 rimis, nullo respectu aut recordatione presidentis
 mundo Dei. Vt tribus, quod aiunt, verbis to-
 tum dicam,

NULLA SALVS BELLO.

Vt maiorem etiam belli nauseam tibi
 creem, Cornelii Agrippæ de hoc iudicium
 apponere libet, quod tale est in inuestiua de
 incertitudine & vanitate scientiarum: Hic
 maximus militum labor est, obsidere ciuitates, iacere
 tela fremere tormentis, ad mouere machinas, perfo-
 dere muros, concutere turres, occupare mœnia. parare
 incendia, diuere arces, spoliare templa, diripere vr-
 bes, subuertere oppida, vastare agros, conculcare
 leges, adulteriari matronas, stuprare viduas, rapere
 vir-

virgines, ciues alios vulnerare, alios incarcerare, alios
 deportare, alios trucidare. Tota denique disciplina
 hac, non nisi in hominum pernicie occupata, hunc
 finem querit, vt famulos vrbiū euerfores, strenuos-
 que homicidas faciat, transformetque homines in ri-
 tus ferarum moresque belluarum. Hinc bellum ni-
 hil aliud est, quam commune multorum homicidium
 ac latrocinium, nec aliud milites, quam stipendiarii,
 & in reipublicæ exitium armati latrones, perfores,
 raptorei, siarii, fures, sacrilegi, gladiatores, stupra-
 tores, lenones, scortatores, adulteri, productores, pecu-
 latores, abigei, aleatores, blasphemii, venefici, parrici-
 da, incendiarii, pradones, pirata, tyranni & eius-
 modi. Quos omnes qui vno nomine velit exprimere,
 dicat milites, hoc est, reuera barbaricas sceleratorum
 hominum feces, quos mala mens, malus animus ad o-
 mne facinus extimulat, quos penes dignitatis & li-
 bertatis nomen habet licentiam delinquendi & la-
 trocinandi, vndique querentes, vt noceant, ipsamque
 innocentiam, veluti mortis quandam imaginem, o-
 dientes, omnesque quasi vnum corpus sunt ex patre
 & genitore Diabolo, cuius illi sunt membra,
 de quo ait Iob: Corpus illius quasi scuta fusilia, &
 compactum squamis se prementibus: vna vni con-
 iungitur, & ne spiraculum quidem incedit per eas,
 vna alteri coheret, tenentes se nequaquam separabun-
 tur: assistunt sibi, qui cōuenerunt in vnu aduersus Do-
 minū & aduersus Christū eius. Insignia a. militie sunt
 nō purpura, torques, annuli, tiaræ: sed aduerso pectore
 vulnera, & deformatæ cicatricib. corpora. Exercitiū

non nisi cum plurimorum exitio, doloreq³ coniu-
ctum, morum, legum ac pietatis perniciēs, cum Chri-
sto, cum beatitudine, cum pace, cum charitate, cum
innocentia, cum patientia ex diametro pugnās. Prae-
mia eius sunt gloria nobilitatis, humani sanguinis ef-
fusione parata, imperii propagatio libidine dominandi
& possidendi, cum multarum animarum perpetua
damnatione. Nam cum omnis belli finis sit victoria
nemo potest esse victor, nisi homicida: nemo contra vi-
ctus, nisi male perierit. Mors igitur militum pessima
malum epitaphium sibi inducente peccato. Qui au-
tem occidunt, iniqui sunt, etiam si iustum sit bellum.
Non enim propter hoc, sed quia lucri & praeda gratia
militarunt, impii homicidae in eos, quos male occi-
dunt. Si qui autem iuste ab illis perimuntur, ipsi qui
occiderunt, in carnificum ordinem seipsos statuentes,
nobilitatem hanc commeruerunt, cumq³ leges alioqui
in praedones, raptores & sicarios poenis seuiant, tales
nomine militiae habentur nobiles & honesti.

II.
Moderna
militia dis-
ciplina qua-
lis.

Modernae militiae imaginem genuinam,
ex probatis historicis Liuius, Tacitus, & Cur-
tius collectam, & nostro seculo accommoda-
tam non ut conuitium, sed ut medicinam, en-
tibi habe: Emunt duces militem, non legunt. Pec-
uniola proponitur, tympanum strepit: & ecce coeunt
aliquot ignoti inter se ignorantesque, purgamenta
urbium suarum, quibus ob egestatem & maxima fla-
gitia peccandi necessitudo est, assueti latrocinis, bello-
rum insolentes, quorum lingua vana, manus rapacis-
sima, gula immensa, pedes fugaces, qua honeste nomi-
nari

ari non possunt, honestissima, nullam discipline formam, nec extrema quidem eius lineamenta seruantes, lasciuientes certatim, inter quos omnia indispota, temulenta, peruigiliis Veneris, ac Bacchanalibus potius, quam disciplina & castris propria. Hi nec in procinctu & castris habentur, sed per municipia desides, hospitibus tantum metuendi, effundunt se in luxum, epulas & nocturnos cœtus: ibi circumferri merum largius iubent, debellaturi super mensa Alexandrum: suas vires extollere docti, hostium paucitatem contemnere: ceterum galeati lepores, & quibus ut ad populandos finitimorum agros, tectaque vrenda, & capienda pecora, aliqua vis sit, ita in acie & signis collatis nulla vis est, nec in victoria eis decus, nec in fuga flagitium. Vt omnia paucis: Exercitus lingua, quam manu, promptior, predator è sociis, & ipse hostium prada.

Aurelianus olim, cum à vicario suo literas accepisset, quibus efflagitabat, quomodo res inter exercitus gerenda esset, statim rescripsit hunc in modum: Si vis tribunus esse, imo si vis viuere, manus milicum contine. Nemo pullum alienum rapiat, ouem nemo contingat, vnam nullus auferat. Sic Vopiscus in Aurelio.

At, bone Deus, quid nostro hoc seculo prius aut potius queramur? Proh quanta flagitia, quanta scelera in bellis non perpetrantur? Vt (quod Ludouicus Viues in epist. ad Henric. VIII. Angliæ regem scribit) hoc demum videatur esse, vere ac germane militare, nihil

arbitrari æqui ac boni propter se esse sancitum, nullo se iuri esse subditum, se in vagina leges omnes cum ferro gestare: quicquid conscelerato animo collibuerit, id solum esse ius & æquum. Adeo milites nostri, siue quo eant, siue redeant, furantur, rapiunt, constuprant, pulsant, abigunt pecora, pertusis vasis sinunt effluere vinum. Quid multis? Crudelius tractant suos, quam hostes. Et hoc hodie, si superis placet, appellatur ius militare, & ad hæc conuiuent principes. Lucanus lib. 10. bell. ciuil. multa paucis comprehendit:

Nulla fides pietasq; viris, qui castra sequuntur:

Venalesq; manus: ibi fas, vbi maxima merces,
Sed cheu!

---- quis talia fando
Temperet à lacrymis?

I. Aeneid.

III.
Vera militia
encomium,
& veri mi-
litis requisi-
ta.

Verum hæc haud ideo dicta sunt, quasi omnem omnino militiam iniquam esse contendere ausim. Militare enim, inquit Augustin. de verbis Domin. nō est delictum, sed propter prædam militare, peccatum est. Imo, quod Cicero testatur pro Muræna. Rei militaris virtus præstat ceteris virtutibus: omnia nostra studia, & hac forensis laus & industria latent in tutela ac præsidio bellicæ virtutis: & simul atq; increbuit suspicio tumultus, artes illico nostræ conticescunt. Omnia denique, quæ sunt in imperio, in statu ciuitatis, ab iis defendi & fir-

*firmari putantur, qui militari virtute antecel-
lant.*

Et in eadem Oratione: Multo plus adfert di-
gnitatis res militaris, quam iuris ciuili gloria. Vi-
giles tu de nocte, vt tuis consultoribus respondeas: ille
vero, quo intendit, mature cum exercitu perueniat.
Te gallorum, illum buccinarum cantus exuscitat.
Tu actionem instituis, ille aciem. Tu caues, ne tui con-
sultores, ille, ne vrbes aut castra capiantur. Ille tenet
& scit, vt hostium copia tu, vt aqua pluuia arcean-
tur. Ille exercitatus est in propagandis finibus, tu in
regendis.

Veri militis requisita paucis coarctat Ve- IV.
get. lib. 7. de re militari: Iuuentus, inquit, cui *Veri militis*
defensio prouinciarum, & bellorum fortuna commit- *requisita.*
tenda est, & genere, si copia suppetat, & moribus de-
bet excellere. Honestas enim idoneum militem red-
dit: verecundia, dum prohibet fugere, victorem. In-
utiles autem omnino sunt gloriosi illi Thra-
sones, qui lingua quidem & minis vno ictu
sexcentos profigare sese posse iactant, qui-
bus autem vbi ad pugnam & pugnas deuen-
tum est, secundum Homericum illud,

----- παρὰ πρὸς καὶ πρὸς θυμῶς,

in pedes mens decedit imos.

Erasmus hos pisciculis similes esse ait, qui vo-
cantur gladioli: quippe qui gladium quidem
haberent, cor autem non haberent. Paucis
Virgil. lib. 4. Aeneid.

Degeneres animos timor arguit.

Cæterum de requisitis veri militis differentem vide I. Lipsum, Politicor. lib. 5. cap. 7. 8. 9. & Althusium Polit. cap. 34.

O D A VI.

In adultores Chamaleontæos.

N V C L E V S.

Adulator cum laudat, pungit.

Q*ui mel ferunt in oribus,
Sed fel gerunt in cordibus.*

Hi sunt in orbe plurimi.

Quocunque ocellos misitæ,

Sedem sibi firmissimam

Defixit hac astutia.

In Curiis, Ecclesiis,

Scholis, & aulis Principum,

Inter viros celsissimos,

Ciues, & inter rusticos.

Paucis; ubiq; gentium

Viri morantur duplices.

Aquas humentes porrigunt,

In corde flammæ apparant,

Quod ore poscunt, pectore

Quam maxime fastidiunt.

Hic

Hic barbam nectit stramineam.



Hoc orbis est nunc proprium.
 Verbis medelam suggerit,
 Factis venenum porrigit.
 Hoc dicit, illud cogitat,
 In ore: Te iuuet Deus:
 In corde: Tollat Cerberus.

C 5 Si

Si forsan obuiaueris,
 Heus, Frater, inquit optime:
 Cum paulo post recesseris,
 Calumniatur pessime.

Hic scilicet contortili
 Barbam plicare stramine
 Fumosq₃ nouit vendere,
 Et crocodili lacrymas
 Oculis dolosis fundere.

Hæc scilicet, nasutuli
 Quod dictitant homunculi,
 Ciuilis est prudentia,
 Et laude digna maxima,
 Tacere, qua quis cogitat,
 Et cogitare, qua tacet.
 Picem vocare candidam,
 Niuemq₃ nigram dicere!

Si digna quiuis premia
 Factis meretur propriis,
 Vos milleformes Prothei,
 Cum sitis ore duplices,
 Os promeretur vndiq₃
 Grandi refertum stercore.

NOTÆ.

Viri duplices quinam. **T**urpe est, inquit Seneca in epist. ad Lucil.
 aliud loqui, & aliud sentire. Homerus vehementius in huiusmodi nebulones, duplici præditos pectore, inuehitur in Iliad.

Ἐχδρὸς γάρ μοι κείνῳ ὁμῶς αἰδῶο πυλῆσιν,

Ὅς καὶ ἕτερον μὲν καὶ δίδει ἐνὶ φρέσιν, ἄλλο δὲ βάσσει.

Hoc

Hoc est:

*Exosus enim ille mihi, velut inferorum porta,
Qui aliud quidem occultum habet in mentibus,
aliud vero ore profert.*

Sic Plautus in *Asinaria*:

Pro monstro est, quando, qui sudat, tremat.

Nostro certe nunc hoc seculo tam late
serpsit contagio hæc, ut tota hominum fer-
me omnium vniuersitas malo hoc, ceu lue
quadam pestilentissima, infecta merito dici
possit. Ita nunc omnis candor, fidesque om-
nis exulat. Vix millesimum ex hominum pe-
ctore prouenit verbulum. Omnia ficta, o-
mnia sub caritatis specie fucata, vereque
γλυκόπιπτα sunt, hoc est, dulcia-amara. Dulcia
quidem externa simulatione: amara autem
& venenosa interno recessu.

Bellum in hunc sensum est epigramma,
quod addo:

Nō aliud genus est hominum tam vulnere dirum,

Non telis Scythicum letiferis celebre:

Ospingui, quam quod butyro mollius effert,

Verbaq; depromit lenius ipso oleo:

Intus sed toto medicatur vulnera corde,

Qua iaculis Scythicis asperiora facit.

At locus dandus erat Phocylidis monito:

μήδ' ἔπερον κεύδης κραδίη νόον, ἀλλ' ἀγρεύων.

Noli aliam occultare in corde sententiam,

& aliam proferre.

ODA

O D A VII.

In proditores ac delatores.

N V C L E V S.

Nil proditore turpius.

Sic est: Iudas proditor
 Scelus patrauit pessimum,
 Quod innocentem perdidit,
 Cruciq₃ Christum tradidit.
 At ille nummos interim,
 Sui furoris pramium
 A Phariseis rettulit.

At proditores millies
 Nunc nequiores rescias,
 Qui non verentur, candidos
 Plane, virosq₃ innoxios
 Gratis macello dedere,
 Suiq₃ nullum criminis
 Efflagitare pramium.

Istud profecto dixerim,
 Iudas adhuc si viueret,
 Tantamq₃ furum cerneret
 Rediuius impudentiam,
 Locum tueri proditor
 Vix, credo, posset infimum.

At hi magistri fraudium,

Hi

Hic macello innocentem offert.



Hi proditores, lanii,
Hostesq₃ sanguinarii,
Tam sunt in arte callidi
Ut subdolas fallacias
Omnes ad vnguem nouerint:
Licetq₃ sint nequissimi,

Tamen

Tamen antecellunt omnibus,
 Primasq₃ semper occupant,
 Et lautiores regibus
 Plerumq₃ vitam ducunt.

Iudas, abominabili
 Tandem piaculo cognito,
 Tanto metu prosternitur,
 Exosus ut sibi ipsemet,
 Ductusq₃ pœnitundine
 Animam scelestis faucibus
 Suspendio praeluserit.

At hi cachinnos excitant,
 Cum quem macello destinant,
 Nihilq₃ de suspendio
 Parumue sudant anxii.

Sed cum suprema iudicis
 Olim die nouissimo
 Feretur (oh) sententia,
 Tunc laniorum turbula
 Orci macella perpetim
 Subibit infernalìa,
 Suæq₃ sumet congrua
 Crudelitatu premia.

NOTÆ.

Proditionis
 vitium de-
 testabile.

DE Iuda Hieronymus in Epist. ad Rust.
 Iudas, ait, de Apostolatus fastigio in proditionis
 Tartarum labitur, nec familiaritate communi, nec
 intinctione buccella, nec obsequii gratia frangitur,
 ne

ne hominem tradat, quem filium Dei nouerat. Et Ambrosius in Matth. cap. 26. Instrumento pacis mortem irrogat: seruus dominum, discipulus magistrum sic prodit; quasi, inquit, per instrumentum pacis perimis ipsam pacem, de osculo machinarius ipsam prodicionem.

Prægrande hoc vitium Franciscus Petrar-cha etiam perstringit Dialog. 80. quem integrum vide. Non procul à fine hæc, quæ sequuntur, extât: *Nil scelestius proditore. Nil turpius sol videt, cuius obscœnitas tanta est, vt & qui artificio eius egent, execrentur artificem, & qui ceterorum scelerum famam quarunt huius infamiam reformident.*

Tanto scilicet odio semper prodicionis vitium laborauit, vt nemo non omnibus illam diris execrationibusq; deuoueric. Exemplo nobis sunt ex priscorum Romanorum documentis Camillus & Fabricius, quorum alter Faliscorum, quos octennali obsidione iam successu irritò presserat; pueros à magistro per deambulationis speciem eductos, sibi-que, tanquã certam victoriæ spem, traditos accipere noluit, turpẽ hunc proditorẽ auersatus, vincitũ nudatumq; terga, adolescentulis verberibus in urbem agendum tradidit; teste Liuius lib. 5. Alter autem commodatidem prodicionis oblata occasione, proditorem omnino respuit atque detestatus fuit;

fuit : Hic, inquit, est ille Fabricius, qui difficilius
ab honestate, quam sol à cursu suo, auerti possit. Sex-
centa prodicionis exempla qui cognoscere
auet, adeat Theatrum Philosophicum Ra-
uisi Textoris pag. 575. & seqq. vbi voto ipsius
abunde satisfier.

O D A IIX.

In pollicitatores grandiloquos.

N V C L E V S.

Pollicitis diues quilibet esse potest.

Sic orbis vsus obtinet,
Stylusque nostra curia:
Spondere montes aureos,
Et pauculos arenula
Puluisculos exoluere:
Grandes equos promittere:
Pullumque aselli reddere:
Magnum vouere cereum,
Qui quantitate populum
Malumue vincat nauticum,
Deinde vix minutulam
Offerre sibi tedulam.
Sic omnis (heu!) euauit
Candor, fides, integritas.

Hone-

ODA VIII.
Hic in taleam loquitur.

49



Honestitudo, veritas,
Æqui boniq, gratia.
Sic fallit hospes hospitem,
Et venditorem venditor:
Sic seruus herum decipit,
Herusq, ludit seruulum.

D

Nil

*Nil veritati consonum
Totum per orbem visitur.
Fidesq; cura nullibi:
Sed cuncta vel crassissimis
Referta sunt mendaciis;
Vel hercle callidissimis
Connexa sunt fallaciis.*

*Sic GARRIVNT IN TALEAM,
Qui verbulis ditissimi,
Factisq; sunt pauperrimi:
Quibus vsitatum est dicere:
Est polliceri nobilis,
Servare pacta rustici.*

NOTÆ.

I.
*Montes au-
reos promit-
tere.*

CVM Leosthenes ciuitatem Atheniensem,
ad bellum impulisset, magnificis spebus
ad nomen libertatis ac principatus erectam:
Phocion illius verba dicebat esse cupressis
similia, quæ sublimes cum sint ac pulcræ, fru-
ctum non habent. Nihil profecto dici po-
tuit accommodatius in sermonem splendide
magnificeq; pollicentem, sed infrugiferum:
quemadmodum cupressus arbor sublimi
compositoque in conum vertice, procul e-
gregium quiddam polliceri videtur, cum vix
tamen vlla sit sterilior. Hinc in prouerbum
abiere CHARETIS POLLICITATIONES,
οὐ χαίρητος ὑποσχέσεις, de illis dici solitæ, qui Cha-
re tem

O D A VIII.

51

retem Atheniensem æmulati, multa facile ac
benigne promittunt, iuxta illud Nasonis, 1.
Art.

Promittas facito: quid enim promittere laedit?

Pollicitis diues quilibet esse potest.

De istiusmodi pollicitatoribus Terentius
etiam in Andria act. 4. scen. 1.

In denegando modo queis pudor paululum adest:

Post ubi tempus promissa iam perfici,

Tum coacti necessario se aperiunt,

Et timent, & tamen res premit denegare.

Ibi tum eorum impudentissima oratio est:

Quis es tu? quis mihi es? cur mea tibi?

Hec, proximus sum egomet mihi: at tamen ubi fi-
des?

Si roges, nihil pudet hic, ubi opus est,

Non verentur: illic, ubi nihil opus est, ibi veren-
tur,

Notare autem debebant isti homines il- II.
lud Pythagoræ, qui, Age, inquit, res præcla- *Promissis*
ras, nihil magnifici interim promittens, (*standum.* Teste
Stobæo serm. de virtute) æmulati hac in par-
te morum arborem, quæ dicitur prouerbiali-
ter sapientissima arborum. Nam vltima flo-
res producit, prima vero vel imprimis fru-
ctus: Ita non est diu antea ostentandum,
quid possimus, vel velimus: tarde po-
tius est promittendum, & mature tunc
præstandum. Et elegans de hac materia
D 2 dictum

dictum est Stobæi lib. de moribus: Priusquam
promittas, delibera: & cum promiseris, facies: prius
sin egaueris, fecisse postea fallere est. Id ergo agas, ut
ne quis merito tuo te oderit.

Coronidis loco epigramma Iacobi Billii,
quod in Anthologia eius extat, de Dei ac
mundi pollicitationibus, annecto:

*Vt mundus, sic sunt mundi promissa, quod ipse
Promittit, fictum est, fictus ut ipse quoque est.
Ut Deus est, sic sunt bona, quæ promittit, & offert:
Certus ut est, certas sic dare nouit opes.
Quam nos læui igitur! Certo non fidimus: illi
Fidimus at contra, quem dare verba iuuat.
Sic sumus huic similes, quem spe deludit inani
Perdix, dum pullis consulit ipsa suis.*

ODA IX.

*In Scholasticos plumigeros vanaque eruditionis
opinionem inflatos.*

NVCLEVS.

*Non pluma, non vestis, sed ars studio-
sum facit.*

F*Ex nunc iners scholastica
Prodire tandem in publicum,
Suisque dignum fraudibus*

Locum

Hic artes simul omnes cum sac-
culo deuorat.



Locum subire quaritat.
Sic ordo namq₃ postulat.
Non, ora centum si forent,
Linguae₃ multo plurima,
Sat hercle possem commode
Scholasticorum subdolas

D 3

Fal-

Fallacias exponere;
 Non, Argus etsi viueret,
 Posset suis ocellulis
 Videre, vel perquirere
 Astutias scholarium.
 Veruntamen conabimur
 Prestare, quantum possumus.

Vix regulam syntaxeos
 Primam cerebro condidit:
 Vix ora pugnis rubida,
 Nudumq₃ virga podicem
 Subduxit, ecce, grandibus
 Tumidusq₃ seruens astibus
 Incedit, atq₃ virgei
 Caligas doloris conscias
 Abominatur pessime,
 Natibusq₃ splendidissimas
 Adaptat atq₃ amplissimas.
 Latus deinde debile
 Ensi coaptat maximo,
 Quo sicut aquilibrio
 Innititur, maiusculo
 Ne forte raptus ventulo
 In saxa dura concidat,
 Capituq₃ multam sentias.
 Mox cristulas in pileo,
 Mox cristulas in pectore
 Fastu superbus erigit,
 Cruriqu₃ subligaria
 Hinc inde nectit pendula,
 Quibus superuacaneum

Vento

Vento creet negotium,
Muscaq³ punctiunculas
A crure diras arceat.
Rosas deinde calceis
Subiniicit latissimas,
Existimes vt vaccei
Par esse grande stercoris.
Demum his onustus naniis
Lares relinquit patrios,
Vitamq³ cordialibus
Academicam suspiriis
Optat, capeßit, incipit.
Quid multa? talem se gerit,
Vt vel referre tadeat.
Non literis, non artibus
Operam nauat, sed bellus
Noctes diesq³ perbibit,
Stertit, librosque murium
Corrosioni subiicit.
Tandem vacuus nummulis,
Aegrotus in marsupio,
Multo domum reuertitur,
Quam quondam abhinc receßerat.
Effectus imperitior,
Hec veritati congrua
Vel illud esse comprobet,
Quod forte nuper contigit.
Academiam subiuerat
Fors rusticelli filius,
Et plurimum pecunie

Pro more ibi consumserat.
Tandem reuersus ad patrem,
Vitaq₃ agrestis immemor
Gestus agebat splendidos.

Sumtus parens non immemor,
Quem filio suggererat,
Examinare commodo
Illum volebat tempore,
Cum, stercorandis aruulis,
Fimis onustum redderet
Plaustrum, rogabat filium;
Quali Latini nomine
Illud solerent dicere,
Quod tres haberet cuspides,
Et quo finum sustolleret?
Mox ille: MISTGABELIVM.
Sed quomodo istud alterum,
Stercus reuellens funditus,
Geminog₃ dente preditum?
Respondet ille: KARSTIVM.

O impudentem SCHELMIVM!
Parens subinfert illico,
Vix me sceleste, contines,
Quin huncce MISTGABELIVM,
Grandemq₃ sumam KARSTIVM,
Tuumq₃ nequam SCHWARTIVM,
Crassumq₃ SCHELMIRVCKIVM
Modis acerbis dedolem.

Vix eloqui desinuerat,
Natum finero destinat,

Et,

*Et, quem putarat Musicum,
Nunc mandat esse rusticum.*

N O T Æ.

PLerique in eo Philosophi, &, quicunque
illis accensentur, viri eruditi consentiunt, *I. Artium & scientiarum præstantia.*
scientias atque artes, homini non nihil digni-
tatis adferre, ita ut sæpenumero ultra huma-
nitatis limites in Deorum beatorum choros
cum referre possint. Hinc infinita illa & in-
numera scientiarum præconia, quibus quisq;
eas artes atq; disciplinas, in quibus iam diu-
turno usu animi sui vires exercuit atque exa-
cuit, non minus exculto, quam prolixo ser-
mone omnibus aliis conatur anteferre & vel
supra ipsos cælos attollere. Num recte ita
sentiant, nolo ego, viribus quippe impar, iu-
dicare. Negat præfectò Cornelius Agrippa, *Error Corn. Agrippa.*
& strenuè quidem negat. Nam (ait) prout
artes & scientiæ illæ in alium atque alium in-
cidunt, alios etiam atque alios effectus pro-
ducunt. Si in malum quempiam inciderint,
mirum nisi magis noxiæ fuerint, illumque ex
malo multo reddiderint deteriorem; ut per-
uersum Grammaticum, vaniloquum Poëtā,
mendacem historicum, rhetorem palponē,
dialecticum litigiosum, sophistam fallacem,
lasciuum Musicum, astronomum superstitio-
sum, physicum absurdum, portentosum Me-
D s taphy-

raphysicum, ethicum morosum, iniquum Politicum, Iuridicum flexiloquum, Medicum ineptientem, Theologum *ἱεροδόξον* & contentiosum. Quid multis? A primis statim initiis, cum pueris infundi atque instillari cœperint, mores eorundem plerumque mutant in deterius, & cum nequam prius fuerint, multo deinde euadunt nequiores. Quod si etiam in non tam malum, sed stultum aliquem incidant, nihil illo insolentius ac inopportunū magis: nam præter id, quod illi de cognata stultitia superest, tuetur illum doctrinæ autoritas, habetque literarum instrumenta, quibus suam defendat amentiam, quibus cæteri stulti carentes mitius insaniunt, quemadmodum de Rhetore ait Plato: *Nam quo erit (inquit) ineptior atque indoctior, hoc plura narrabit, imitabitur omnia, nihilque indignum se putabit.* Nihil igitur exitiusius, quam cum ratione insanire, merito videri potest; atque adeo artes omnes atque scientiæ, cum deteriores plerunque sectatores suos faciant, exterminari atque eliminari debent.

III. Errat autem Agrippa grandem errorem, *Eius confusio.* & ignorat crassa ignorantia. Quis enim vinum ob remulentiam meam culpet? Quis aurum propter furem? Quis enssem propter latronem? Non terra vinum eam ob

Ob causam producit, vt isto ad vomitum
vsque me ingurgitem. Non aurum ideo
in vsu est humano, vt fures faciat. Non
ensis ideo efficitur, vt latronibus adiuven-
to sit. Sic nec artes ideo perdiscuntur, vt
nequitia eo maiori & acutiori solertia pos-
sit exerceri, sed imo, vt iis mediantibus o-
mnibus ista è locis possit expelli atque ar-
ceri.

Quod iuuenes studiis dediti aliis plerum-
que sint petulantiores ac peiores, quis adeo
amens, vt artibus illud adsignet? Nimi-
rum

I V.

*Mores iuue-
num studio-
rum quae-
les.*

*Imberbis iuuenis tandem custode remoto
Gaudet equis, canibusque & aprici gramine
campi:*

*Cereus in vitium flecti, monitoribus a-
sser.*

Hi igitur defectus artium atque scientia-
rum adminiculo sunt corrigendi, quando-
quidem, Poeta teste,

*----- didicisse fideliter artes
Emollit mores, nec finit esse feros.*

Et, Seneca suffragante,

Quo quisq; doctior, eo est humanior.

Versa autem vice,

Quo quisq; indoctior, eo est impudentior.

Cate.

Cæterum de moribus modernorum quorundam Scholarium vſitatis qui notitiam parare ſibi vult, ſubeat Amphitheatrum Iocoſerium Caſparis DornauI, in diſputatione de Natura Pennalium, vbi materiam ridendi largiſſimam inueniet.

V.

*Superbia
cum primis
ſtudioſo vitanda.*

Vitanda verò cum primis eſt iuuentuti, literis & artibus deditæ, ſuperbia, de qua Franciſcus Petrarcha dialog. 41. de diſcipulo indocili ac ſuperbo, veriſſime aſſerit: *Superbia hoſtis ingenii eſt, dumq; ſubefſe dedignatur, & diſcere negligit diſcipulus, inſolens agre manum ferule ſubiiciet, doctrina animum, reprehentionibus aurem, collum iugo. Nimirum ſicut tumor oculorum viſui, ita tumor animi ingenio nocet: vt diſciplinis aditus fiat, comprimenda eſt omnis elatio. Qua de re eleganter etiam Ouid. 1. Art.*

Phillyrides puerum ciſhara præfecit Achillem,

Atq; animos molli contudit arte feros.

Qui toties ſocios, toties exterruit hoſtes,

Creditur annorum pertimuiſſe ſenem.

Quas Hector ſenſurus erat, poſcente magiſtro

Verberibus iuſſas præbuit ille manus.

Auſonii etiam conſilium locum reperiatur, quod Eidyll. 5. ſuppeditat:

Diſce lubens, tetrici nec præceptoris habenas

Detestare nepos, nunquam horrida forma magiſtri,

Ille licet triſtis ſenio, nec voce ſerenus

Aſpera contracta minitetur iurgia frontis,

Nun-

Nunquam immanis erit, placita assuetudine vul-
tus

Qui semel imbuerit, rugas nutricis amabit,
Qui refugit matrem, pappos, auiasq; trementes
Anteferunt patribus seri noua cura nepotes,
Sic neque Peliden terrebat Achillea Chiron
Thessalico permixtus equo, nec pinifer Atlas
Amphitryoniaden puerum, sed blandus vterq;
Miris alloquiis teneros mulcebat alumnos.
Tu quoq; ne metuas, quāuis si hola verbere multo
Increpet, & truculenta senex gerat ora magister.
Degeneres animos timor arguit: at tibi consta
Intrepidus, nec te clamor, plagaq; sonantes,
Nec matutinis agitet formido sub horis,
Quod sceptrū vibrat ferula, quod multa supellex
Virgea, quod mollis scuticam prætexit aluta,
Quod feruent trepido subsellia vestra tumultu.
Pompa loci, & vani fugiatur scena tumoris.

De scholarum vtilitatibus atque commo- VI.
dis, quin & amplissimæ & præstantissimæ *Scholarum*
sint, neminem puto esse qui dubitet, cum ad *utilitas ma*
veram religionem conseruandam, & ad po- *xima.*
steros propagandam, mores & vitam homi-
num probe informandam, & artium libera-
lium cognitionem comparandam maxime
omnium inseruiant. Certe qui scholas è
mundo exterminandas statuit, idem facit ac
si solem cælo deturbari iubeat. Vide de hac
re Ioannem Althufium Politic. cap. 9. them.
38. 39. 40. Bartholomæum Keckermannum
in

in Systemate Politic. Casmannum in vitâ Po-
litica, & Matth. Stephanum lib. vlt. de iurif-
dictione.

O D A X.

In adultores ac delatores.

N V C L E V S.

Adulator niger est: hunc tu caueto:

Qui vela venti turgida
Quocunque nouit tempore
Accommodare flatibus,
Et ex eodem frigidam
Calidumq; flare gutture,
Et ille ad hoc collegium
Nequissimorum pertinet.

Hunc si quis in consortium
Suum receperet, illico
Illius appetitibus
Inseruit atque nutibus,
Et sub figura pharmaci
Lethale mulsam suggerit.
Rides; cachinnos excitat.
Ploras; gemit susp.riis.
Sudas; calore diffluit.
Friges; rigescit frigore.

Dormi-

Hic victum amictumque assentando
quæritat.



Dormire vix iam somniat.
Furis; tumultus excitat.
Iraſceris; toruum videt.
Sermocinari; ceteris
Altum imperat ſilentium.
Letari; inſtat plaufibus.

Quod

Quod si tuis inhaerit
 In pallis pulvisculus,
 Pilusue, vel quid sordidum,
 Manu reuellit, subdola
 Barbamq; dextra vellicat.
 Omnes colores suscipit,
 Solius albi nescius
 Coloris, atq; rubidi:
 Semperq; ceu mutabilis
 Reciprocatur Chamaleon.

Si quid pusilli criminis
 Commilito patrauerit,
 Mox heri ad aures portitat,
 Et, quam potest, conuitiis
 Exaggerat grauissimis,
 Cum millies scelestior,
 Furcaq; multo dignior,
 Meritus sit ipse literam
 Referre longiusculam.

Hens, qui sapis, Gnathonibus
 Et aurium mulctoribus
 Inuisus istis abstine,
 Proculq; ab actos vltimis
 Iube exulare finibus.

NOTÆ.

I.
 Assentato-
 rum mores
 quales sint:

Sic mores ferunt assentatoris.

----- Rides? maiore cachinno

Concucitur: flet, si lacrymas conspexit amici,

Nec

*Nec dolet : igniculum bruma si tempore poscas,
Accipit Endromidem : si dixeris, estuo, fadat.*

[Iuuenalis Sat. 3.]

*Quid, quod adulandi gens prudentissima laudat
Sermonem indocti, faciem deformis amici,
Et longum inualidi collum cervicibus aquat
Herculis, Antaeum pro. ul à tellure tenentis.
Miratur vocem angustam, qua deterius nec
Ille sonat, quo mordetur gallina marito.*

[Idem ibidem.]

Simile est Martialis Epigramma lib. 12. in
Pontilianum:

Mentiris, credo: recitas mala carmina, laudo:

Cantas, canto: bibis Pontiliane bibo.

Pedis, dissimulo; gemma vis ludere, vincor:

Res vna est, sine me quam facis, & taceo,

Nil tamen omnino praestat mihi mortuus, inquit:

Accipiam bene te: nil volo, sed morere.

Terentius in Eunuchus suo sic suas ipsius
laudes decantantem inducit Gnathonem:

*Omnia habeo, nec quicquam habeo: nihil cum est,
nihil deficit tamen,*

*Est genus hominum, qui esse primos se omnium re-
rum volunt,*

*Nec sunt: hos sector: hisce ego non paro me, ut ir-
rideant:*

*Sed his vltro arrideo, & eorum ingenia admiror
simul.*

*Quicquid dicunt, laudo: id rursus si negant,
laudo id quoque:*

E

Ne-

Negat quis, nego: ait, aio: postremo imperavi ego-
met mihi

Omnia assentari. Is quastus nunc est multo vberri-
mus.

Exemplum istiusmodi assentatoris exhi-
bet fabula illa, quam Ioachimus Camerar.
lib. fabul. p. 98. recenset.

Ægrotus enim quidam à medico suo interrogatus,
quo pacto præteritam noctem peregisset? respondit, se
admodum sud. se. Hoc, inquit Medicus, bonum est.
Postridie reuersus, & similiter percontatus agrotan-
tem audiuit, horrore fuisse ipsum vehementi concus-
sum; Et hoc ipsum, Medicus inquit, bonum est. Tertio
sciscitatus, quomodo haberet, cognouit, intercutem
effusam affligere hominem. Sed & hoc bonum esse
dixit. Digressa Medico, accessit ex amicis vnus agro-
tum, &, quid sit, inquit, & quo in loco sunt res tue?
Optimo, inquit agrotus. Nam multitudine bonorum
jere extingvor.

Epimydion fabulæ huius ab Hieronymo
accipe, qui in epist. ad Rusticum; Ne credas, in-
quit, laudatoribus tuis, imo irrisoribus aurem ne li-
benter accommodes, qui, cum te adulationibus foue-
rint, & cum te impotem mentiis eff. cerint, si subito re-
spexeris deprehendes post te colla incuruari, aut ma-
nu auriculas agitari asini, aut æstuantem ca-
nu protendi linguam.

ODA

O D A XI.

In Sacrificulos, monachos, monialesq̃.

N V C L E V S.

Preces sub lingua natæ irritæ.

SI non aberro, pectoris
Nec deuiat sententia,
Monachos rudes, & cœlibes
Contenderem potissimum
Huc pertinere virgines;
Et quos ob imperitiam
Misellulos fraterculos
Vocamus ignorantia,
Qui propter assuetudinem,
Longo frequentem tempore,
Aedes sacratas visitant,
Vt repleant sedilia,
Vel musitantes inuicem
Lingua Latinae vocolas
Inane murmur proferant,
Quod nec rudis plebecula
Phalanx, nec ipsi intelligunt.

Preces ab ore sapius
Effutiunt: at interim
Aut in popinis pectore

Hic sermonem è caua profert
olla.



*Versantur, aut in balneis,
Vel, quid rogarini, nesciunt:
Et scire, quaso quomodo
Vel mente possent assequi,
Cum nullus horum stipitum
Linguam Latinam nouerit.*

At

At qualis efficacia
 Potest precum esse talium,
 Quas ore natas extimo
 Fert corde lingua nescio?
 Sic qui receptant nummulos,
 Vbi nulla eorum copia:
 Et qui capillos vellicant,
 Vbi inuentur obfitum
 Lata caput caluedine:
 Quiq; aucupantur gaudium,
 Vbi corda mœror occupat:
 Qui se paratos offerunt
 Prius, ac rogantur: singuli
 Hunc pertinent ad ordinem,
 Qui concavis è vasibus
 Et testulis inanibus
 Nouere verba promere.

NOTÆ.

PLUS, inquit Augustinus, placet Deo latratus
 canum, mugitus boum, grunnius porcorum, Preces sub
 quam cantus clericorum luxuriantium. Etenim ^{lingua na-}
 (quæstio est Isidori lib. 3. de summ. bon. cap. 12.
 8.) Quid prodest strepitus labiorum, vbi cor est mu-
 tum? Sicut enim vox sine modulatione est quasi vox
 porcorum, sic oratio sine deuotione, est quasi mugitus
 boum. Talesque preces sub lingua natæ dicun-
 tur, pectore illarum prorsus ignaro. Non se-
 cus, ac si quis ex olla vacua sermones prome-
 E 3 re au.

re ausit; quod Germani in prouerbio dicunt:
Auß einem hollen Hasen reden. Quemadmo-
 dum autem frumentorum granula, telluris
 tantummodo superficiei iniecta, exarescunt,
 nullumque fructum proferunt, nisi occando
 sulcandoque subigantur soloq; condantur:
 Ita preces sub lingua natæ, oreq; solo, in scio
 corde, effutitæ, effectū carent, nisi ærumna-
 rum miseriarumque mole depresso pectore
 proficiscantur.

Non, inquit Chrysostom. super Matt. cap.
 6. *voce clamosa pulsandus est Deus, sed conscientia
 recta placandus; quia non est vocis, sed cordis auditor.*
 Sic Isidorus, quem paulo ante allegavi, eo-
 dem in loco: *Oratio cordis est, non labiorum: neq;
 enim verba deprecantis Deus intendit, sed orantis cor
 adspicit. Melius est, cum silentio orare corde sine sono
 vocis, quam solis verbis sine intuitu mentis.*

II.
*Precum de
 votarum
 requisita.*

Precum autem deuotarum quænam re-
 quisita sint, breuissime docet Cassiodorus
 super Psalm. 16. vbi ait: *Ipsius est oratio perfecta
 cuius & causa clamat & lingua, & actus, & sermo,
 & vita, & cogitatio.* Multum scilicet (teste Bedæ,
 de templo Salomonis) iuuat orationis purita-
 tem, si in omni loco vel tempore nos ab actibus tem-
 peremus illicitis: si semper ab otiosis sermocinatio-
 nibus auditum pariter castigamus & linguam: quæ
 cunque enim sapius agere, loqui vel audire solemus,
 eadem necesse est sapius ad animum, quasi solitam
 propriamque recurrant sedem: & sicut suæ volu-
 tabra

tabra siue palustria, columba limpida solent frequen-
rare fluenta, ita cogitationes puram mentem im-
munda perturbant, castam spirituales sanctificant.
In eundem sensum est epigramma meum,
quod addo:

Sit persona tibi triplex bene nota roganti,

D. uoto quoties fundis ab ore preces.

Prima sit hec, ad quam pia vota feruntur, & ille
est,

Qui freta quæ terras, qui regit astra, Deus.

Altera mox, à qua pia vota feruntur, & ille est,

In Christum fidei robore nixus homo.

Tertia sit, per quam pia vota feruntur, & ille

Est intercessor Christus homo atq; Deus.

Audoenus, Martialis meus, vno disticho
omnia comprehendit:

Sit purum pectus, domus oratoria, lector

Spiritus, & mundum cor, manuale precum.

O D A XII.

In exaggeratores censoresq; immodicos
delictorum.

N V C L E V S.

Camarina non mouenda.

Vix absolutum colligi
Nequam potest consortium,

Hic merdam cribrando mouet.



*Si non huic acceſſerit
 Conglutinatus ordini,
 Qui ſcit laborioſius
 Merdam mouere ſordidam,
 Colare, cribro ſubdere,
 Mox perforare, pungere,
 Modisq₃ mille vellere,*

Atq₃

Atq; his odorem motibus
Creare foetidissimum.

Hic, quæ vetustus tabida
Vel ante centum secula
Obliuioni tradidit,
Et iam diu longissima
Deleuerit præscriptio,
Orco reducit infimo.

At posteaquam stercoris
Factor per omnes iuerit
Hinc angulos, & per uio
Nares odore impleuerit,
Tunc callidis argutiis
Se litibus subducere
Nouit, velut qui turbidam
Non reddidisset guttulam,
Et crebrius nil quam suam
Allegat innocentiam:
Cum nequiores vix tamen
Reperire possis alterum,
Ardente quamais lampade
Instructus esbes prauia,
Denasq; per prouincias
Inquireret amplissimas.

At, quæso, quorsum conuenit
Hæc stercoris commotio
Merdaq; vellicatio?
Cur prisca, nequam furcifer,
Nobis reuoluis crimina,
Cum tanta sit recentium

Transgressionum copia?

Si sunt in orbe singula

Hoc iudicanda crimina,

Hoc punienda crimina,

Quorsum tribunal vltimum

Summiq³ laudum iudicis,

Quo proferentur omnia,

Qua longa quondam obliuio

Occulta sepeliuerat?

NOTÆ.

I.
*Camarinā
mouere
quid sit.*

TAlem Camarinam mouent, qui diu obliuione extincta denuo in aprium proferunt, mirisque artibus exaggerant, nullam aliam ob causam, quam vt nouas tragœdias, nouosque tumultus excitent. Si quos forte inimicos in gratiam redire vident, mox paleas, pilos, sulphur igni, qui extinctus iam videbatur, adhibent, calumniæque flabro tantas de nouo flammæ causantur, quibus sedandis nec Oceanus sufficeret.

De his Plautus in Stichos;

Sed curiosi hic sunt quamplures mali,

Alienas res qui curant studio maximo:

*Quibus ipsis nulla est res, quam procurent,
sua.*

Terentius in Heautont. hanc peruersitatem secum admirans, alia voce exclamat:

Di

Dū vestram fidem : itane comparatam esse homi-
num naturam omnium,
Aliena melius ut videant, & iudicent, quam
sua.

Horat. 1. Serm. 3.

— Ego met mī ignosco, Maius inquit,
Stultus & improbus hic amor est, dignusq; notari,
Cum tua peruideas oculis mala lippus inunctis,
Cur in amicorum vitiis tam cernis acutum,
Quam aut aquila, aut serpens Epidaurius.

At notatu dignum est vetus Adagium, II.
quod habet Valerius Maximus: Μὴ μνησικα- Aliqua ma-
κήσεις. Ne memineris malorum. Sic qui olim ob- la sunt te-
literari memoriam malorum iuebant, illud genda.
Homeri vsurpabant.

Τὰ δὲ πάντα τοῖς μεταλώλια θεοῖς,
Irrita Dī superi ventis hac omnia tradant.

Nam qua, malum, est insania, ea, que iam dudum *Sunt verba*
sopita atque obliterata sunt, mala, denuo iterum in *Murexi.*
apricum producere? quam vero utilitatem affert?
Si quis sordes in cloaca delitescentes, commouere ba-
culoque aut alio instrumento hinc inde atque ex imo
quasi fundo proturbare ausit, quid aliud agat,
quam quod foetorem excitabit longe grauiorem
atque atrox minabilior? Apage igitur mihi sint ne-
bulones isti stercorearii, quibus id volupe est, ut aliorum
delicta iamdiu obliuione sepulta, ex intus quasi ter-
ra abyssis eruant atq; eradant; digni mediū-sidius,
qui

qui in cloca, à se commota, fœtore suffocati vitam finiunt.

O D A XIIV.

In eos, qui aures demulcendas sibi porrigunt.

N V C L E V S.

Vterq; nequam, & qui adulatur, & qui adulatione delectatur.

Q*ui vellicandas porrigit
Aures adulatoribus,
Circumq; circa naribus
Tractus, retractus, ducitur,
Næ mentis impos est sua,
Stultoq; quouis stultior.*

*Qui vellicandas arripit
Aures dolo consuiili,
Circumq; circa naribus
Tractum, retractum, ductitat,
Næ mentis impos candida,
Et fure quouis nequior.*

*Quis damna, quis pericula,
Venena quis lethalia
Retexat ore singula,
Quæ palpo dat versatilis?*

At

Hic aures demulcet.



At nunc ita vsus obtinet :

Odiosa sordet veritas :

Fallax amicos plurimos

Acquirit assentatio,

Et aurium demulso.

Hæc pestis aulas principum

Præoccupat potissimum,

Quas

Quas hi palatini canes
 Tantis dolis coinquant,
 Fucusq; tam subtiliter
 Effabricatis obruunt,
 Vt exulare candida
 Cogatur inde veritas.
 Nec mirare est admodum,
 Cum principum pars maxima
 Plerumq; pruriens
 Sit aurium tam prodiga,
 Vt vellicandas suauiter
 Aures utrasq; porrigant,
 Laudesq; plus Gnathonicas
 Quam veritatem diligant.
 Horum deinde subditi
 Fiunt furoris amuli,
 Et quicq; de vilissima
 Natus licet plebecula
 Aures suas palponibus
 Vasisq; adulatoribus
 Late trahendas commodat,
 Ne, blanda vellicatio
 Si deforet diutius,
 Vel disfluant torpedine,
 Vel concidant marcedine.

Tu cautior, qui plurima
 Vitare vis pericula,
 Arce Gnathones auribus,
 Arce Gnathones adibus.

NOTÆ.

N O T Æ.

Q Vi tantopere adulationibus & palpa- *Adulatio-*
 mentis delectantur, nã illi non sunt ho- *nis descri-*
 mines, sed simiæ, quibus summum volupe *ptio.*
 est, laudari. Vere simii, imo insani! *Quid e-*
 nim (Alanus de complanctu naturæ) aliud
 est adulationis vnctio, nisi donorum emunctio? *Quid*
commendationis allusio, nisi pralatorum delusio?
Quid laudis arrisio, nisi eorundem derisio? [Alexā-
 der Magnus, cum in obsidione cuiusdam vr-
 bis circumisset muros, ictu sagittæ percussus,
 cum represso sanguine sicci vulneris dolor
 cresceret, & crus obstupuisset, coactus absi-
 stere; Omnes, inquit, *me filium esse iurant Iouis, sed*
vulnus hoc hominem me esse clamat. Idem nos fa-
 ciamus dicamusq; : *Vos quidem dicitis me esse*
prudentem, ego autem video, quam multa inutilia
concupiscam, nocitura optem. Hæc Senecæ sunt
 verba epist. 60. ad Lucil.]

De Sigismundo Imperatore Aeneas Syl-
 vius lib. i. comment. de rebus gestis Alpho-
 nsi, narrat, Vatiniano ipsum adultores odio
 persecutum fuisse. Cumq; aliquando assen-
 tator quidam supra modum eum laudasset,
 Diisq; similem esse dixisset, alapas aliquot
 grandes ei impegit. De quibus cum ille lamē-
 tabundus quereretur, rogaretq; : *Cur me cadis,*
Imperator? Cur me, inquit Sigismundus, *mordes,*
adulator?

Sic

Sic Bion, eos qui auscultarent adulatoribus, dicebat esse similes amphoris, quæ auribus circumaguntur; referente Erasmo 8. Apophth. ex Plutarcho.

Diogenis adagium erat: κρεῖττον ἐμπεσεῖν εἰς κέρακας, ἢ εἰς κόλακας. Tutius est, incidere in cornos, quam in adulatores. In quem sensum est epigramma Iacobi Billii, in Anthologia sacra:

Non inter cicutes palpone nocentior vlla est
Bellux, nec quæ plus gignat in orbe mali.
Vix etenim est vllus, cui non per verba propinet,
Quæ magis sint ipso dulcia melle, necem.
At licet extincto coruus se corpore pascat:
Corporibus viuis abstinet ille tamen.
Sæuior at contra palpone nec parcit ademptis:
At viuos blandis morsibus vsq; petit.

Alan. de
complacenti
natur.

Huius pestis pestilentia percutiunt principum laterales, palatini canes, adulationis artifices, fabri laudis, figuli falsitatis. Hi sunt, qui magniloqua commendationis tuba in diuturnum auribus citharizant, qui medica adulationis fauos foras eructant, qui, ut emungant munera, caput diuitis oleo adulationis inungunt, prelatorum auribus puluinaria laudum subiciunt, qui ab eorum palliis, aut fictitium puluerem excutiant, aut vestem fictitie deplumant implumentum.

Eadem prorsus Cassiodorus de eodem vitio tradit. Adulatio, inquit, blanda omnibus applaudit, omnibus salue dicit, prodigos vocat liberales: auaros, parcos & sapientes: lasciuos, curiales; garrulos,

O D A XIIV.

SI

los, affabiles: obstinatos, constantes: pigros, maturos
& graues. Hæc sagitta leuiter volat, & cito infigi-
tur.

Qui plura hac de re cupis lege Theophrast.
de notis assentatorum, Vbi multa, quæ risum
tibi mouebunt.

Magnates & Principes aduersus istud adu-
lationis venenum, Homericum illud, tan-
quam pharmacon quoddam, in promptu
semper habeant:

ἔτι ἐγὼ θεός εἰμι, τί μ' ἀθανάτοισιν ἔισθαις!

Nullum ego sum numen, quid me immortalibus
aquis?

Inferioris fortunæ homines illud Cicero-
nis lib. I Offic. Cauendum, ne assentatoribus pate-
faciamus aures, & ne adulari nos sinamus, in quo
falli facile est. Tales enim nos esse putamus, vt iure
laudemur: ex quo nascuntur innumerabilia pescata.
Intus, inquit Seneca epist. 77. te ipsum considera,
non, qualis sis, aliis credas.

O D A XIV.

In calumniatores atq; obtreclatores,

N V C L E V S.

Omnia si perdas, famam seruare memento,
Qua semel amissa postea nullus eris,

A Cerba vulgo nummuli,
Multoq; adhuc acerbior,

F

Iactura

Iactura vita creditur.

At nominis si laesio

Famaq³ diminutio

His comparetur, paruuli

Referre vix puluisculi

Poterunt vel vnum granulum.

Quin ipsa famam nominis

Et iura vita praefereunt,

Multog³ pluri aestimant.

Sed hisce non obstantibus

Tam nunc scelesti plurimum

Nequam viget peruersitas,

Et nauseanda prauitas,

Vt quosq³ candidissimos

Viros, eosdemq³ optimos

Conuitiis turpissimis,

Teliq³ linguae pessimis

Non erubescant pungeri;

At quosq³ contra pessimos

Nequam celebrioribus

Ad astra tollant laudibus.

O prauitatem seculi!

O irrigandam plurimis

Peruersitatem fletibus!

Prasentis o deterrimam

Aetatis insolentiam!

Quae de caprina lanula

Aliisue causis friuolis

In proximum grauissimis

Armata probris, detonat.

Ovi-

Hic vnus est è circumforaneorum grege.



Oviperas dirisimas,
 Canesq; liuidissimos,
 Dignissimos, quos desuper
 Fœrens matella proluat!
 Candoris at tute appetens
 Ne pende vili nominis
 Existimatiunculam,

F z Quam-

Quamuisq; perdas omnia,
 Domos, agellos, pradia,
 Pecunias: famam tamen
 Seruare semper integram
 Summis stude laboribus,
 Namq; hac semel deperdita
 Perdes misellus omnia,
 Erisq; nullus postea.

NOTÆ.

I.
*Calumnia
 & detractio
 quantum
 vitium.*

Eiusdem prorsus cum hac summulæ erat
 Oda IV. ad quam vide quæ adnotaui.

Nimirum uti quisque est nequissimus, ita
 alios etiam veluti sui similes traducit. Quem-
 admodum igitur non laus est, nisi à viro lau-
 dato lauderis, ita nec vituperium est, quod à
 nebulone in virum bonum euomitur. Belle
 admodum Seneca de remed. fortun. Male,
 inquit, de te opinantur homines, sed mali. Mouerer,
 si me Marius, si Cato, si Lelius sapiens, si alter Cato si
 Scipiones duo ista loquerentur: mouerer, si hoc iudi-
 cio facerent, quod nunc morbo faciunt. Etenim, ut
 Comicus Græcus ait,

ἡδὲ δὲ δικαίᾳ φάσιν & ψάψει λόγον.

Attingere probos verba non queunt mala.

Et dic quæso; Si quis solem tenebrarum autho-
 rem aestimet, soline an sibi detraxit? Sibi videlicet i-
 pso, cum furiosi & insanientis opinionem sequatur.
 Eodem profecto modo, qui prauos bonos esse putant, &
 è contrario se ipsos vituperant.

Bonæ

Bonæ profecto famæ apprime esse studendum, authores monent. Seneca de remed. fort.

Bona, inquit, opinio hominum tutior est pecunia. II.
Bonum est, quod supprimitur, nequaquam extinguitur: bona fama in tenebris proprium splendorem tenet. Idem in Prou. *Honestus rumor alterum est patrimonium.* *Bona fama prastantior diuitiis.*

Ouid. 2. Fastor.

*Fama manet facti, posito velamine currunt,
 Et memorem famam, qui bene gessit, habet.*

Salomon etiam, rex sub sole sapientissimus, idem approbat Prouerb. 22. *Melius est nomen bonum, quam diuitia multa: super argentum enim & aurum gratia bona.* Et Isidorus in synonymis soliloquiorum lib. 2. cap. 27. *Disce bono fragrare praeconio. Custodi bonam famam tuam.* Plaut. Mostellaria:

Ego si bonam famam mihi seruasse, sat ero diues.

Ouid. lib. 3. Pont. eleg. 2.

*Corpora debentur mæstis ex angustia bustis,
 Effugiunt structos nomen honosq; rogos.
 Occidit & Theseus, & qui tumulauit Orestem:
 Sed tamen in laudes uiuit uterq; suas.*

O D A XV.

In eos, qui pecunia & muneribus cor-
rumpuntur.

N V C L E V S.

Bos in lingua.

A Deste nunc famelici,
Quos appetitus aureus,
Famesq; quos argentea,
Sitiue nummularia
Sua inficit cupidine:
Laudes quibus, conuitia,
Ius, fas, nefasq; munia,
Et cuncta sunt venalia:
Qui, cum fere nequissimi
Sint, quos solum fert, omnium
Et vlla, quamuis pessima,
Non erubescant crimina
Ausu patrare perfido,
Lucem verentes splendidam,
Post terga retro clanculum
Acceptilant pecuniam,
Tam callidis versutiis,
Et subdolis astutiis,
Illos vt esse deieres
Pulcerrimos & optimos

Cui-

Hic retro capit pecuniam.



*Ciuitatis amulos,
Vt qui recusent prabita
Opis ferendae gratia
Clientulorum pramia.*

*At si retracta paululum
Conspexerint munuscula,
Mox acriores flagitant,*

F 4

Et

Et ceu rapaces miluii
Suisprehendunt vnguibus.

At hæc lues potissimum
Contagiosa iudices
Nostri subintrat seculi,
Queis bos recludit spiritum,
Ne veritati congruam
Pronuncient sententiam,
Lucrig, turpis gratia
Album nigellum dictitant,
Obliqua recta iudicant,
Et iura turbant omnia.

Vbiq, vincit scilicet
Immensa nummi autoritas,
Pecuniaq, copia;
Castrumq, inexpugnabile
Non est, modo id contingere
Hastæ queant argenteæ,
Asinusq, multo scandere
Onustus auri pondere.

NOTÆ.

I. *Pecunia*
quanta vis. *ῥήματα ἀνῆς.* *Pecunia vir.* Nimirum, quod Ho-
ratiussasserit,

— Vxorem cum dote, fidemq, & amicos,
Et genus, & formam regina pecunia donat.

His ὁμῶς φησὶ Sunt versus illi iambici sena-
rii ex Bellerophonte Euripidis:

Sine

Sine me vocari pessimum, ut diues vocer.

Nemo, an bonus : an diues, omnes quarimus.

*Non quare, & vnde ? quid habeas, tantum ro-
gant.*

Vbiq₃, tanti quisq₃, quantum habuit, fuit:

Quid habere nobis turpe sit queris ? Nihil :

An diues, quarimus omnes, nemo an bonus.

Aut diues opto viuere, aut pauper mori.

*Bene moritur, quisquis moritur, dum lucrum fa-
cit.*

Pecunia ingens generis humani bonum.

Virgilius lib. 3. Aeneidos :

----- Quid non mortalia pectora cogis

Auri sacra fames ?

Horatius ex 2. serm. Satyr. 3.

----- Omnis enim res

Virtus, fama, decus, diuina humanaq₃ pulcris

Diuitiis parent : quas qui construxerit, ille

Clarus erit, fortis, iustus, sapiens, etiam & rex,

Et quicquid volet.

Propertius :

Aurum omnes victa iam pietate colunt.

Auro pulsa fides, auro venalia iura :

Aurum lex sequitur: mox sine lege pudor.

Iacobus Philomulus Poeta :

Aurum destructor vitæ, princepsq₃ malorum,

O quam difficiles nectis vbiq₃ dolos ?

O vtinam natum nunquam mortalibus esses,

Dulcia suppeditas qua nocumenta viris !

F 5

Te

Te propter pugna fiunt, & bella mouentur,
 Ad pradam & cades corpora nostra trahis.
 Tu facis, ingratus patrem quod filius odit :
 Inter & agnatos iurgia sepe moues.
 Prosternis gentes, & totum destruis orbem,
 Nulla fides hominis te duce stare potest.

Flaccus :

Aurum per medios ire satellites,
 Et perrumpere amat castra potentius
 Ferro.

De iudice pecunia & muneribus corru-
 pto vulgo; Αργυράχην πάσχει. Argentanginam
 patitur. Item : Bos in lingua.

De istiusmodi peruersis iudicibus, qui cor-
 rupti muneribus suffragia iniqua ferunt, aut
 per tyrannidem innocuos opprimunt, &
 Homerus Iliad. π.

Οἱ βίη ἐν ἀγορῇ σκολιὰς κέρνωσι, θέμιστος,
 οἱ δὲ δίκην ἐλάσσωσι, θεῶν ὅπιν σὺν ἀλέγροντες.

Qui per vim in populi cœtu communia iura
 Deprauant, ac iustitiam depellere tentant,
 Nil veriti vocem Diuum.

At hos imitari potius decebat Anacreon-
 tem, qui, cum à Polycrate tyranno quinque
 talentorum acceperat munus, infomnes
 duas ducebat noctes, indeque cogitatione
 sollicitus, reddidit ea, dicens : Non tanti
 ea sibi esse, ut tanta cura vexari
 vellet.

ODA

O D A. XVI.

In viros duplices.

N V C L E V S.

Vir duplex duplex malum.

Nunc in theatrum duplici
Ducemus ore praditum,
Istique nequam comoda
De sede providebimus;
Quam pone falsos iudices,
Et institores subdolos,
Iure occupabit optimo,
Cum dirigat mutabile
Ad flabra venti pallium.

Talis figura iudicis
Depingitur nequissimi,
Qui forte currum acceperat,
Ex rusticelli munere,
Ut largienti diceret
Accommodam sententiam.
A parte sed contraria
Corruptus idem postea
Fraustantiori munere,
Equis duobus scilicet,
Opimitate splendidis,
In rusticellum protulit
Trifurcifer sententiam,

Ac

NEBVL. NEBVLO.
Hic egregiam se lanam ducere
simulat.



*At ille questus plurimum
Tristis rogabat, eccubi
Currus suus remanserit;
Cui, Barde, iudex; quid rogas?
Equis abactus pectore
Dudum recessit è meo.*

Tales

Tales adhuc quamplurimi
 In orbe dantur iudices,
 Qui sese vtrūq; serio
 Fingunt fauere partibus,
 Cum nil volutent pectore.
 Quam fraude furem pessimum,
 Et pelle nequam maximum
 Turpissima circumferant.

Sic institores perfidi
 His moribus sunt pradii:
 Emturientes vilius
 Diuendituri carius
 Plerumq; merces aestimant,
 Tantisq; miscent fraudibus,
 Vt ventilata maximis
 Mendaciorum flatibus
 Trabes fragore contremant.

Nil orbe roto scilicet
 Hoc inuenitur tempore,
 Expers quod esset fraudium,
 Sed sceptrā ubiq; regia
 Vulpina pellis obtinet.

N O T Æ.

DE viris duplicibus vide quæ supra ad o-
 dam 6. atruli. Nam similis hæc cum illa *Viri dupli-*
 est farinæ. De iudicibus etiam & iuris peritis, *ces qui.*
 sub hoc nequitie vexillo strenue militanti-
 bus, vide, quæ itidem supra ad odam 3. adno-
 tati.

De

II.
*Institorum
 & mercato-
 rum inde-
 les.*

De institoribus mercatoribusque Augu-
 stinus lib. 13. de Ciuit. Dei, cap. 2. ait: *Omnes
 volunt viliter emere, & care vendere.* Quos eorun-
 dem mores & Horatius l. 2. epist. ad Iulium
 Florum perstringit:

—— *Plenius aquo*

Laudat venales, qui vult extrudere, merces.

Par similitudinum elegans de institorum
 moribus habet Chrysostomus, quas non pos-
 sum non subdere. Prior est in Homil. 38. in
 21. cap. Matth. *Quemadmodum qui ambulat inter
 duos inimicos, ambobus placere volens, & se commen-
 dare, sine maliloquio non potest; necesse est enim,
 vt & isti male loquatur de illo, & illi male lo-
 quatur de isto: Sic qui emit & vendit, sine men-
 dacio esse non potest & periurio: necesse est e-
 nim, vt negotiatoribus hic iuret, quia non tantum
 valet res, quanto comparet eam: & ille iuret, quia
 plus valet res, quam vendit.* Posterior ibidem:
*Quemadmodum, si triticum, aut aliquam bladi spe-
 ciem in cribro, dum huc illucq; iactas id, grana omnia
 paulatim deorsum cadunt, & in fine in cribro nihil
 remanet, nisi stercus solum: Sic & substantia nego-
 riatorum, dum vendunt & veneunt, inter emtionem
 & venditionem minuitur, & in nouissimo nihil illis
 remanet, nisi peccatum.* Vide etiam, quæ infra
 ad Odam 26. adnotabimus, vbi plura de
 iniquitatibus & fallaciis mer-
 catorum reperies.

ODA

O D A XVII.

In Parasitastros & amicos ollares.

N V C L E V S.

Alieno corio ludere facile.

SVnt, quos iuuat pinguedine
Orbes nitentes lingere,
Aliisq₃ quadri, musculi
Furacis instar, viuere,
Propriisq₃ nummis parcere,
Quos ollularum aruspices
Non absq₃ causa dixeris;
Quod mos sit illis ollulas
Famelicis disquirere,
Atrumq₃ sorptum sordido
Vorare panem iuscule,
Aquamq₃ dicere optimam,
Manibus lauandis prabitam,
Quod hac paratam scilicet
Declaret esse coenulam.
Hic carnis assa frustulum
Per dena miliaria
Suis odorant naribus
Auidaq₃ fauce glutunt.

At

Hic ollam sequitur atque cibum.



At cum iubentur debitos
 Numerare nummos hospiti,
 Nequam caput sub mensula
 Ceu dormientes occulunt,
 Velutq₃ profundissimo
 Sopore preſſi, gutture
 Ronchos ab imo maximos

La-

Lite sonori ductitant,
 Nullisq₃ possunt erigi
 Tumultuationibus,
 Aut vellicationibus:
 Tam suaue nequam dormiunt!

At si vel vno verbulo
 Solutionem spondeas,
 Audaciores reddit
 Caput scelestum proferunt,
 Vagosq₃ confidentius
 Hinc inde ocellos missitant.

Quid obstat ergo, quo minus
 Lubens & hos in ordinem
 Nequam receptos collocem?

N O T Æ.

Genuino pfecto hos nomine Græci i.
 παρασιτός appellitant, quod semper alio- Parasiti
 rum culinam cibosque sectentur, & murium qui.
 instar semper alienū rodant cibum. Sic enim
 Parasitus quidam apud Plautum in Captiu.
 de se sui que similibus: *Quasi mures semper edi-*
mus alienum cibum.

Ἄλλοι περὶ φάρι etiam vocantur, quibus dul-
 ce est aliena viuere quadra. Quin & ab iisdem
 Græcis prouerbiali verbo *μυσπολέει* dicuntur,
 quasi qui muris in morem cibi causa obam-
 bulent oberrentque, laboris omnino omnis
 & exercitationis impatientes. Quemadmo-
 dum

G

dum

dum enim vultures triduo futura cadauera præsentiant, eoque aduolant: ita hi per longa locorum intervalla cibos dapesque naribus sagacibus odorant, gressibusque concitatis ad illas aduolant.

Nundinis nuperis Francofurtensibus meminisse me vidisse circumforaneum seu præstigiatores quendam, versus secum deducen-tem, quem lōgo assuetum tempore ita informarat, ut velut conuiua aut hospes sellulae cuiuspiam tanquam mensæ assideret: à quo cum iste symboli solutionem exegisset, versus, profundo quasi somno depressus, caput subter mensam occultabat, & grandibus licet verberibus impetitus, eo adduci nequibat, ut expergisceretur. Prolatis autem à circumforaneo, tacitoque murmure expressis verbis, quibus immunitatem à Symboli solutione dormitanti pollicitabatur, versus veluti rediuius è sopore assurgens caput lætus circumferebat, liberalitatisque quasi gratias agebat.

Tanta scilicet vitii huius est frequentia, ut circulatorum etiam, tonfores & funambuli istud taxent, atque in verso, animali isto apprimè monstroso, fœditatem istius ob oculos nobis ponant. Sed apage mihi sit ab honestis compotatiunculis ista quorundam sordida tenacitas, quibus volupe est, alienis ex oculis genio suo indulgere, & semper ἀσυν-

βόλως

O D A XVIII.

99

*solus esse. Apage, inquam, sint isti: cum
Commodius portetur onus, quod pondere nu-
tat*

Aquo, & pari consistit equilibrio.

O D A XIIX.

In eos, qui scandala iuuenturi exhibent.

N V C L E V S.

Scandala sunt vitanda

T*Am nunc iuuentus omnibus
Scelesta turgēt fraudibus,
Vitaq; turpitudine,
Vt non opus sit pluribus
Vel institutionibus,
Vel incitationibus,
Quibus, velut calcaribus,
Ad omne morum dedecus
Prono ferantur impetu.*

*Istud profecto dixerint;
Certoq; comprobauerim,
Hunc qui iuuentam turpia
Velit docere crimina,
Et exhibere scandala,
Vesti pediclos sordida,
Mænoq; lymphas addere,*

G 2

Puella

Hic pediculos vesti pelliceæ addit.



Puella, quæ decennium
 Vix nata, multo nequior
 Nunc est, vetus quam femina,
 Annisq; multis obfita.
 Puerg; qui decennium
 Vix natus, i scelestior
 Est, quam tremens senecio,

An-

Annisq; multis obfitus.

Tanta iuuentus ad malum

Velocitate cursitat!

Tanta iuuentus ad bonum

Tardatione reptitat!

Atqui parentes plurimi

Tam sese honestitudinis

Obliviosos exhibent,

Vt scandalosa liberis

Exempla dent quamplurima,

Non verbulis solummodo,

Factis sed obscenissimis,

Turpissimisq; gestibus

Ad impudicos incitent

Actus, velutq; ducitent,

Cum tempus ipsum sit tamen

Rerum magister omnium,

Tandemq; fontes indicent,

Vnde extrahant infantulos;

Causamq; monstret, succuba

Cur insidentem tergori,

Et vellicantem cristu'as,

Gallina gallum portitet.

N O T Æ.

VT gypsum aut argilla, dum est vda, in I.
 quamvis imaginem facile sequitur fin. *Pueri à te-*
 gentis manum: ita rudes iuuentutis animi *neris statim*
 facile in quamcunque, facilius autem, in de- *unguiculis*
 terio- *ad bonum*

G 3

*sunt infor-
mandi.*

teriore partem, flectuntur. Nam, vt Ambrosius lib. 1. de viduis ait; *Vicina est lapsibus adolescentia. Quia variarum astus cupiditatum feruore calentis inflammatur etatis.* Mature igitur pueri à vitiis sunt arcendi, & ad virtutum studia adigendi; nec vel verbulo vel gestu remora scandalumue ipsis exhibendum. Quemadmodum enim sulphur subito ignem concipit: ita iuuentus facile ad omnis generis crimina perpetranda inflammatur.

Virgilii potius consilio locus dandus, qui 3. Georg. lib. tale suggerit:

*Tu quos ad studium, atque vsum formabis agre-
stem,*

*Iam vitulos hortare, viamq; insiste domandi,
Dum faciles animi iuuenum, dum mobilis etas,*

Sic Horat. 3. Carm. 24,

— *Et tenera nimis
Mentes asperioribus
Formanda studiū.*

Idem 1. Epist. 2.

*Fingit equum tenera docilem ceruice magister
Ire viam, quæ monstrat eques: venaticus ex quo
Tempore ceruinam pellem latrauit in aula,
Militat in syluis catulus, nunc imbibepuro
Pectore verba, puer, nunc te melioribus offer.
Quo semel est imbuta recens, seruabit odorem
Testa diu.*

Sene-

Seneca Oct.

Regenda magis est feruida adolescentia.

Deniq; Comicus Græcus:

*Νέος πεφυκὼς πολλὰ ζητᾷ μὲν ἀγαθὰ.**Annis iuuenta multa discito bona.*

Iuuenalis Sat. 14.

*Nil dictu fœdum visuq, hæc limina tangat,**Intra qua puer est: procul hinc procul ite puella**Lenonum, & cantus pernoctantis parasiti.**Maxima debetur puero reuerentia, si quid**Turpe paras, nec tu pueri contemseris annos,**Sed peccaturo obsistat tibi filius infans.*

II.

Verum deploranda quorundam locorum, *Consuetudo*
 ciuitatum præsertim, restat impia consuetu- *quorundam*
 do, in quibus publica lupanaria, non dicam, *locorum pos-*
 tolerantur, sed conseruantur, & patronos ha- *sima.*

bent acerrimos: Imo quibus publica theatra,
 immunitates & stipendia concessa sunt. Id-
 que calua atque impia penitus ratiuncula,
 contra diuinas leges ipsumque Dei verbum
 è diametro pugnante; Vt nimirum, inquiunt,
 iuuentus egesto illic libidinis impetu peiora
 conari desistat. Sed ô scelus consuetudinis
 inextinguibile! Hoccine est remouere scanda-
 la? Vide hac de re differentem Cornelium
 Agrippam de arte meretricia & lenonia.

Tu, quicumq; sapis,

*Principiis obsta, sero medicina paratur,**Cum mala per longas inualuere moras:**Cum primis vero fuge scandala. Illæ namq;*

G 4

cala-

calamitatum malorumq; omnium semina-
ria sunt, ac vitiorum fomenta: nam, vt Phi-
losophi aiunt, *paruus error in principio, maximus*
in extremo esse consuevit; & exigua scandali ali-
cuius exhibitio maximum sæpe peccatum
producit. Noui nobilem, qui sequens sym-
bolum insignibus suis inscriptum vsurpabat:
Ex parua flamma magnus ignis. Vere profecto!
Parua scilicet scandali scintilla sæpenumero
maximum calamitatum infelicitatumque
excitare solet incendium, quod vt in fauillis
adhuc restinguas, bis terq; moneo.

O D A XIX.

In futiles rimarumq; plenæ aniculas.

N V C L E V S.

Quem diabolus veretur, anus adit
locum.

SI non aberro, Cerberum
Vix futilis, loquacula,
Plenæq; rimis scæminæ
Malignitatem censeo
Aequare posse pessimam.
Hæc ade si fors prodeat,
Omnes pererrat angulos,
Sibi q; quarit garrula

Di-

Par hoc est anicularum garrularum.



*Dicacitate comparem.
 Quam nacla prolixissimam
 Orditur ore fabulam,
 Telamq; texit maximam:
 Quid Imperator egerit;
 Quid Pontifex sanciuerit;
 Quid Principes decreuerint;*

G 5

Quid

Quid praeo verbi nupera
Pro concione dixerit;
Ut appetentes scænoris
Taxarit vsurarios,
Aliosue reprehenderit;
Quoties maritus proxima
De nocte se subegerit;
Vestes quot & subuculas
Sartor sibi confecerit;
Et quid noui rumusculi
In balneis audiuerit;
Quid murmurando Iupiter
Iunoni in aurem dixerit;
Hæc illa nouit omnia,
Hæc illa fatur omnia,
Mendaciisq; plurima
Conglutinat mendacia,
Fraudesq; nectit fraudibus:
Probris deinde candidos
Conuiriatur pessimis,
Nullusq; quamuis optimis
Parcit scelestamentibus,
Sed ore semper liuidum
Ensem nociuo gestitat.
O digna, cuius maximis,
Vagina pugnis vapulet!

NOTÆ.

NOTÆ.

Garrulitas hic non solum anicularum, I.
sed & aliorum omnium iure taxatur. Et *Garrulita-*
id quidem merito. Nam, uti ait Euripides, *is vitium*
iurpe.

Ἀχαλίνων τῶν μᾶλλον τὸ τέλος δυσχεῖα.

Finis loquacitatis infortunium.

Sed & circumuagationes & discursatio- II.
nes honestas mulieres omnino dedecent. *Discursatio*
nes an mu-
lieres de-
ceant.
Vxor, inquit *Plates 127. Pl. tua sicut vitis abundans in lateribus domus tua.* Solent quidem aliquibus in locis vites in foribus domorum collocari: comparaturus autem viti vxorem honesti viri, non eam viti præ foribus existenti voluit comparare, hæc enim exposita est prætereuntibus, sed viti in lateribus domus constitutæ. Talis debet esse honesta mulier, non in foribus consistens, aut more ardelionis cuiusdam hinc inde per vicos & compita discursans, sed in lateribus & secretis domus suæ. Et ob eandem causam *Prouerb. 31.* de muliere bona dicitur: *Considerauit semitas domus suæ, & panem otiosa non comedit.* Non scilicet considerauit plateas & vias ciuitatis, sed semitas domus suæ: has perambulat honesta mulier, has considerat attente, has calcet provide, ac prospicit, quid intra parietes domus suæ sibi agendum sit, & ideo panem otiosa

otiosa non comedit, sicut mulier facit vagabunda, quæ domi consistere nequit. Imitari scilicet honestam mulierculam decet exemplum Iudith, quæ secretum sibi cubiculum in superioribus domus suæ in sacris literis construxisse legitur, in quo clausa veluti morabatur. Non satis illi fuit, intra ianuas domus secretum cubiculum facere, sed in superiore & remotiore parte domus suæ illud construxit, & eo se recepit. Nimirum sancta erat, pia erat, casta erat: & mulier, quæ sancta, pia, casta esse cupit, hanc ipsius sanctitatem, pietatem & castitatem sectetur.

O D A XX.

*In eos, qui multa in se expedienda suscipiunt
negotia.*

N V C L E V S.

Nemo potest Dominis simul inservire
duobus.

A Estate binis indui
Subuculis, & vnico
Heris duobus tempore
Deferre velle munia,
Vnusq; ceruulos cane

Au-

Hic inter duas sellas corruit.



Audere binos insequi,
 Simulq, eundem laudibus
 Ornare nunc, nunc carpere;
 Inter duas hac sellulas
 Eecere labi plurimos.
 Qui curiosus plurimis
 Sese ingerit negotiis,

Artesq,

Artesq₃ tractat plurimas,
 Est ille longe plurimis
 Subiectus infortuniis.
 Nam vel ferenda protinus
 Est impar ille sarcina,
 Vel si ferenda idoneus
 Sit ille forsan sarcina,
 Vtrinq₃ tandem muneris
 Vel accipit vilissimum,
 Nullumue prorsus premium,
 Instar catelli Æsopici,
 Qui carnis ore frustulum
 Gestans, aquasq₃ transmeans,
 Umbra sub vndis carnea
 Visa, volebat promere.
 Frustratus atqui spe sua
 Vtramq₃ carnem perdidit,
 Veram ac imaginariam.

Hoc ergo tu prudentior
 Memori reuolue pectore,
 Si sede qua sedes bona,
 Eritq₃ sedes commoda,
 Hac sede tu sede, nec hac
 Recede sede commoda.

NOTÆ.

1.
 Duplex ser-
 uitus ab-
 surda.

C O m p r o b a t s e n s u m O d æ h u i u s i p s e n o-
 s t e r S a l u a t o r M a t t h . 4 . N e m o , i n q u i e n s ,
 p o t e s t d u o b u s d o m i n i s s e r u i r e . A u t e n i m v n u m o d i o
 h a-

O D A XX.

· ttt

habet, & alterum diligit, aut vnum sustinebit, &
alterum contemnet.

Cuius sententiæ erat & Alexander Ma-
gnus, ad quem cum Darius Persarum rex le-
gationem misisset, dimidiamque regni sui
partē ei obtulisset, animo eam magno repu-
dianit: *Mundus*, inquit, *non agnoscit duos Soles*.
Insani igitur sunt, qui plurimis se immiscant
muneribus atque negotiis, cum vix vniali
cui recte & pro æquitate pares esse queant.

Ergo qui sapias, Phocylidem audi:

Καί ποτε δὲ λένειν, μὴ δὲ ἀντιπνέειν ἀνέμοισι.

II.

Occasioni obtempera, & noli spirare contra
ventos. Occasioni
seruiendum.

Et Catonem lib. 2.

Rem tibi quam noris aptam dimittere noli,

Fronte capillata est, post hac occasio calua.

Et alterum item Poetam:

Si qua sede sedes, & erit tibi commoda sedes,

Illam sede sede, nec ab illa sede recede.

O D A XXI.

In procos, qui diuitias ambiunt.

N V C L E V S.

Virtus spectanda, non nummus.

Annis ab hinc prioribus,
Cum candor ille simplicis

Ad-

Profunda hic verba promit.



Adhuc vigeret seculi,
 Si quis volebat nubere,
 Thoriq, capere coniugem,
 Non copiam pecunie,
 Dotisue magnitudinem,
 Ambibat aut pulcredinem,
 Sed castitatem foeminae,

Quam

Quam fors amare cœperat,
Morumq; amor congruam
Spectabat elegantiam,
Vitæq; honestitudinem
Quod si bonis solummodo
Famaq; honesta pradis
Isthac foret parentibus
Prognata, nil de ceteris
Bonis petebat amplius,
Non æra, non pecunias,
Non arua, dotes, prædia,
Vel postulabant talia,

Annis at his præsentibus;
Cum candor ille simplicis
Exinctus alget sæculi,
Si coniugalem quæpiam
Cupit subire lectulum,
Vim maximam pecuniæ,
Grandemq; dotis copiam
Plerumq; solui postulat,
Illudq; primum quaritat,
Diuesne sit, vel indiga,
Quam concupiscit, fœmina.
Si diues, illico accipit,
Suumq; dicit corculum,
Suamq; dicit ceruulam:
Si pauper, illam respuit,
Suamq; dicit nauseam,
Fœdamq; dicit simiam,
Non is senectam debilem,

H

Lip-

Lipposq₃ non ocellulos,
 Non ille rugas podicis,
 Scabiemq₃ curat corporis,
 Non ille mucum narium,
 Sorde sue spectat crurium,
 Sed totus a pecunia
 Dependet amens copia.
 Aurum senectam dimouet,
 Aurumq₃ lippas corrigit,
 Aurumq₃ rugas explicat,
 Aurumq₃ fœda perpolit,

NOTÆ.

I.
*Quomodo
 nubendum.*

MArtia, Catonis filia, cum rogaretur, cur
 post amissum maritum denuo non nu-
 beret; respondit, *se non virum inuenire, qui ma-
 gis eam vellet, quam sua.* Quo dicto ostendere
 voluit, diuitias magis in vxoribus ducendis
 eligi solere, quam pudicitiam & morum ho-
 nestatem: ac multos non oculis, sed digitis
 vxores ducere. At quanta exinde sæpenumero
 eueniant incommoda, quid attinet com-
 memorare, cum res hoc ipsa cottidie com-
 probet? Ita nunc omnes istos Euripidis ex
 Bellerophonte Senarios in ore ferunt, quos
 mutato genere ad fœminas transferre li-
 ceat:

II.
*Pecunia
 studium
 quam sit
 frequens.*

*Sine me vocari pessimam, vt diues vocer.
 Nemo an bona? sed an diues? omnes quaritane.*

Non

Non quare & unde? quid habeam, tantū rogant.
Vbiq₃ tanti quaq₃ quantum habuit fuit.

Quid habere nobis turpe sit queri? Nihil.

An diues, querimus omnes, nemo an bona.

Aut diues opto viuere, aut pauper mori.

In eundem plane etiam sensum Phocyli-
des:

ἵππους δ' ἐυχρύεας δίζεσθαι μὴ καὶ οἶκον,
ταύρους δ' ὑψιπέτοις, αἵ τε σκυλάκων πεινα-
γείας.

ἡμῶν δ' ὅσα ἀγαθὰ καὶ ἐλεῖται νομίζουσιν ἀφρονέοντες.
ὃ δὲ γυνὴ κακὴν ἀνδρὶ ἀπαναίνεται ἀφρονέοντα.

Hoc est:

Equos autem nobiles querimus habere in domo,

Taurosq₃ altae cervicis, & catulos venatorios.

Ducere autem in uxorem malam foeminam con-
tendimus insipientes

Neg₃ mulier malum virum renuit, si diues sit.

Themistocles Atheniensis multo hac in
parte erat sapientior. Cum enim filiam suam
maxima cum dote pauperi cuidam, sed ho-
nesto tamen, iuueni elocasset, reprehensus
ob id ab amicis, Malo, inquit, generum, qui egeat
pecunia, quam pecuniam, quæ viro.

III.

Themisto-
cles scitum
dictum.

Dignum denique notatu est istud Plauti
in Aulularia:

Dummodo morata recte veniat, dotata est satis.

Hæ sunt atq₃ aliæ multæ in dotibus magnis

Incommoditates, sumtusq₃ intolerabiles:

Nam quæ indota est, ea in potestate est viri.

Dotatæ mactant & malo & damno viros.

*Laudant sapienter factum & consilio bono,
Opulentiores pauperiorum filias
Ut indotatas ducant.*

Lepidum Martialis ad Priscam epigram-
ma addo:

*Vxorem quare locupletem ducere nolim,
Queritis? vxori nubere nolo mea.
Inferior matrona suo sit, Prisca, marito:
Non aliter fiunt scemina virq. pares.*

O D A XXII.

In Grobianos inciuiles & agrestes.

N V C L E V S.

*Qui proficit in literis, & deficit in moribus,
plus deficit, quam proficit.*

EN vt micans diademate
Molliq. puluinario
Sus insidens superbiat!
Ut fastuosos ad latus
Ocellulos intorqueat.
Rostrumq. turgens stercore
Diducat & distorqueat,
Tum caudulam contortiles
In circulos recolligat!
Hac scilicet ciuilitas

Illa

ODA XXII.
Hic suam corolla cingit.

117



*Illa est, & illa urbanitas,
Qua Grobiani plurimi,
Et inficeti stipites,
Ceusque, nitescunt sordibus,
Laudemque censent maximam,
Vitam suillam degere,
Merdisque se peruoluere,*

H 3 Ru-

Ructusq; sauce maximos
 Tanto sono protrudere,
 Ut, ore clauso, peruiro
 Dentes labascant impetu;
 Mox ventris illis insuper
 Tantos fragores addere,
 Ut tecta bombis contremant.
 Quod si paratum forsitan
 Vocantur ad conuiuium,
 Cultro in patellam prapete
 Præceteris mox inuolant,
 Lautasq; portiunculas
 Dextra rapace subtrahunt.
 Si quid coheret dentibus,
 Late recluso gutture,
 Cultro reuellunt sordido,
 Spurcisq; figunt orbibus.
 Quid multa? nulla negligunt
 Obscenitatis crimina,
 Et fœde olentem debitis
 Cingunt suam corollulis.

NOTÆ.

Ciuilitati
 morum stu-
 dendum.

Ciuilitati morum diligenter studendum
 Cesse, omnes monent Ethici, viriq; alii e-
 ruditi. Certe, veteri adagio teste, qui proficit
 in literis & deficit in moribus, plus deficit quam pro-
 ficat. Vide Poema lepidum Poeta non illepidioris, cui
 titulus est GROBIANVS, iocis salibusq; vndiq; re-
 fer-

fertum. Nunc relictis sexcentis aliis, aliquot solum-
modo Nasonis ex lib. I. de arte amandi disticha, huc
faciextia, annectere libet.

Munditiæ placeant, fuscantur corpora campo:

Sit bene conueniens & sine labe toga.

Linguaq, nec rigeat, careant rubigine dentes:

Ne vagus in laxa pes tibi pelle natet.

Quid si præcipiam, ne fuscet inertia dentes,

Oraq, suscepta mane lauentur aqua.

Nec male deformet rigidos tonsura capillos:

Sit coma, sit docta barba resecta manu.

Et nihil emineant, & sint sine sordibus ungues:

Inq, caua nullus stet tibi nare pilus.

Nec male odorati sit tristis anhelitus oris,

Nec ladat nares, virq, paterq, gregis.

Sint modici risus, paruaq, vtrinq, lacuna,

Et summos dentes ima labella tegant.

Nec sit a perpetuo contendant ilia risu,

Sed leue nescio quid scemineumq, sonet.

Est & in incessu pars non temnenda decoris:

Allicit ignotos illa fugatq, viros.

Carpe cibos digitis: est certus gestus edendi,

Ora nec immunda tota perunge manu.

Ne coram mistas ceruæ sumfisse medullas,

Nec coram dentes perfricuisse probem.

Certa tibi à nobis dabitur mensura bendi:

Officium præstent mensq, pedesq, suum.

Iurgia præcipue vino stimulat a caueto,

Et nimium faciles ad fera bella manus.

*Occidit Euricion stulte data vina bibendo,
Aptior est dulci mensa merumq, ioco.
Vide quæ ibi multo plura sequuntur.*

O D A XXIII.

*In eos, qui magnificis titulis excogitandis
sunt ingeniosi.*

N V C L E V S.

Virtus, non titulus, clarum reddit.

VBiq, iam nunc gentium
Vagatur exul veritas,
Odiumq, sentit maximum,
Qui veritatem diligit:
Mellita sed qui verbula,
Fallace promit pectore,
Fellita cum sint spicula,
Et tela transfixoria,
Hic nunc vir est amabilis,
Torig, mundo perplacet.
Ars ista nunc est optima,
Torquere verba subdole,
Polire belle, flectere
Et leuigare suauiter,
Vt dulciora dulcibus
Possint videri mellibus,
Quibus velut lethalibus
Effascimur pestibus,

Quid

O D A XXIII.
Leuia hic verbula expolit.

121



Quid maximos recenseam
Titulos, quibus magnatibus
Fastum creantes obstrepunt.
Hic audit illustrissimus,
Cum non tamen plus luceat,
Fornace quam carbunculus.
At ille praeclissimus,

H 5

Cum

Cum vix misellus in simo
 Emerferit de stercore.
 Hunc mentiuntur prouidum,
 Qui nescit, hordeacea
 Quanti placenta veneat.
 Hic audit humanissimus,
 Cum sit Nerone sauior:
 At ille spectatissimus,
 Cum talpula sit caciior.
 Hunc dictitant amplissimum,
 Cum pectore angustissimus,
 Reique sit pressissimus
 Angustia domestica.
 Si vota fas est promere
 Tantum mihi superstitis
 Vitæ relinqui postulem,
 Mihi ut liceret cernere,
 Fucata quorsum hæc denique,
 Ventura sit fallacia!

NOTÆ.

I.
 Assentatorum
 mores
 qui.

EX horum numero sunt, quos Alanus de
 complacentu naturæ palatinos canes, adula-
 tionis artifices, fabros laudis, figulos falsitatis nomi-
 nat.

Hi, inquit, sunt, qui magniloqua commendatio-
 nis tuba in diuitum auribus cicharizant, qui medica
 adulationis fauos foras eructant, qui, ut emungant
 munera, caput diuitis oleo adulationis inungunt, præ-
 lato-

lactorum auribus puluina laudum subiiciunt, qui
ab eorum palliis aut fictitium puluerem excutiunt,
aut vestem fictitie deplumant implumem.

Sic Iuuenalis Satyr. 3.

Quid, quod adulandi gens prudentissima laudat
Sermonem indocti, faciem deformis amici,
Et longum inuvalidi collum ceruicibus aequat
Herculis, Antaeum procul à tellure tenentis.
Miratur vocem angustam, qua deterius nec
Ille sonat, quo mordetur gallina marito.

At Petrarchæ illud dialog. 49. notandum:
Virtus vno seu potius nullo titulo contenta, ipsa sibi
est titulus. Et paulo post: Sapientia titulis non e-
get: per se ipsa clara est.

O D A XXIV.

In Bibones, belluones & pergracatores,

N V C L E V S.

Temulentia fons scelerum.

Nunc ad bibones deuenit
Orationis series,
Qui per tabernas urbium
Currunt, & ænopolia,
Exhauriuntq; pocula,
Perduntque patrimonia,
Cum fortenummus obuenit,

Velo-

Hic humorem amat & internum &
externum.



*Velociores ceruulis
Mox ad popinas aduolant,
Et hunc bibendo digerunt.
Quod si rei penuria
Forsan grauari cœperint,
Ad fœda valde crimina*

See-

Scelerumq₃ lernam turpium
 Prono feruntur impetu:
 Latrocinantur, turgida
 Cultris secant marsupia,
 Manusq₃ furti mantipant,
 Vel ostiatim postea
 Stipem vagantes quaritant,
 Morbisq₃ se miserrime
 Fingunt grauatos maximis.
 Pars crura nequam plurimis
 Ligata voluit fasciis,
 Claudosq₃ mentitur pedes,
 Quos, si ferat necessitas,
 Vix ceruulus celerrimis
 Aequare possit cursibus.
 Pars his adhuc scelestior
 Falsas subornat literas,
 Mendicatis quas vocant,
 His mentiuntur editas
 Ab igne clades maximas,
 Aedesq₃ flammis subrutas,
 Humore cum difflexerint
 Liquore siue Bacchico.
 Quid non malorum subdola
 Excogitant fallacia?

NOTÆ.

DE bibacitate & ebrietate Augustinus ve-
 re: Ebrietas est flagitiorum omnium mater, ^{I.} ^{Ebrietas} quale quã-
 cul-

*tumq; sit
vitiū.*

culparumque materia, radix criminum, origo vitiorum, turbatio capitis, subuersio sensus, tempestas lingue, procella corporis, naufragium castitatis, amissio temporis, insania voluntaria, ignominiosus languor, turpitudine morum, dedecus vite, honestatis infamia, anima corruptela. Idem alibi: Ebrietas est blandus demon, dulce venenum, suaue peccatum, quam qui habet, seipsum non habet, quam qui facit, peccatum non facit, sed totus est peccatum. Petrus Rauennas: Ebrietas mater litium, furoris generatrix, petulantiae magistra, hanc qui habet, homo non est; hanc qui habet, non peccatum facit, sed est ipse peccatum. Hæc enim est rabies voluntaria, inuitatus hostis, illecebra honestatis, & pudoris iniuria.

Et quis omnia bibacitatis incommoda enarraret? quæ non tantum terrenis, sed & cœlicis spoliât bonis. Diogenes, videns hominis, vino deditissimi, ædes venales esse, ex ianuæ inscriptione: *Minime dubitabam, inquit, quod vini crapula excusa facile domum euomeret.* Plato, ut ab ebrietate discipulos suos detereret, eos admonebat, ut se ebrios in speculo contemplarentur. Sic enim fore, ut, dum faciem suam furibundam & phrenetico similem intuerentur, in posterum ab isto vitio eo diligentius abstinerent. At nunc adeo inualuit temulentia & bibendi consuetudo, ut pugna quædam vehemens inter æmulos compotores inita videatur. Meminisse autem illos decebat Aristippi, qui iactanti cuidam,

O D A XXV.

127

dam, quod multum bibere posset, nec inebriaretur: *Quid*, inquit, *magni* narras, cum idem mulus quoque prestare possit? Vel Demosthenis, qui, cum Philocrates & Aeschines, Atheniensium legati ad Philippum Macedoniae regem, domum reuersi, regem eo nomine laudarent, quod strenue bibisset; *Hanc*, inquit, *virtutem cum spongia* habet communem.

O D A XXV.

In πολυπραγμοσύνην & superuacaneas quorundam curas.

N V C L E V S.

Spartam orna propriam.

Negotiis qui plurimis
Se miscet, atque suscipit
Maiores, quam quae propriis
Sufferre possit viribus,
Et qui superuacaneis
Distingitur laboribus
Aliena curans munia,
Ne stultus ille maximus,
Sensusque prorsus impotens.

Dignus.

Hic grandia sentit & loquitur.



Dignu^q qui nequissimo
 Accenseatur ordini.
 Hi, quantum opum Venetiis
 Fretum per Adriaticum
 Ex Insulis acceperit,
 Norunt ad vnguem; Pontifex
 Quas nuper indulgentias,

Ror-

Portam recludens auream
 D. uiserit plebecula:
 Quot Imperator copias
 Conduxerit stipendio;
 Vel quorsum easdem miserit,
 Quot interemtis pralio
 Hostes cruento fuderit:
 Quid actitet rex Gallia,
 Quid moliatür Suecia,
 Hispania, Polonia,
 Quid Danus, aut quid Moscius;
 Quid Imperator Turcicus
 Byzantii decreuerit,
 Quid sanxerint septem uiri
 In nuperis conuentibus,
 Quot ciuitates libera
 Pecunias collegerint,
 Vel quorsum eas impenderint;
 Scrutantur intensissime,
 Laboriose quaritant;
 Quibus foret consultius
 Multo, magisq; commodum;
 Si prouiderent propriis
 Domi suæ negotiis.

NOTÆ.

I.
 CONgruo admodum vocabulo eos, qui, Αλλοτριος
επιστησιος
qua sit.
 neglektis propriis, alienis iisque captum
 & conditionem suam excedentibus curis se
 I distor-

distorquent ac dstringunt, ἀλλοτρίοις πικρὰ πείν
Græci dicunt, quod inspectionem super a-
liena negotia sibi sumant. De quibus in Sti-
cho Plautus:

*Sed curiosi sunt hic quamplures mali,
Alienas res qui curant studio maximo,
Quibus ipsis nulla est res, quam procurent, sua.*

II.

*Sparta pro-
pria est ex-
ornanda.*

Verum abeant isti πολυπράγμονες, & nasu-
tuli, Spartamque suam propriam, quam nacti
sunt, exornare discant. Scilicet in suis ipso-
rum domibus videbunt omnia

In peius ruere & retro sublapsa referri.

Habebunt igitur abunde, quod in se ipsis
emendent, corrigant, sanent. Noui virum ap-
prime eruditum, cuius Symbolon est: ΤΕ-
CVM HABITA. Fortassis ad imitationem
Poetæ:

Tecū habita & noris quam sit tibi curta suppellex.

Quid, quæso, accommodatius in hunc
sensem poterat dici? Suo scilicet quemque
se metiri modulo ac pede par est. Sed prope-
ro & vela portum versus tendo.

O D A XXVI.

In subdolos & fallaces mercatores.

N V C L E V S.

Laudat venales, qui vult extrudere, merces.

Qui fraude non va ferrima
Mirisq; strategematis

Noſtro

Decipulam hic lardo perungit



Nostro antecellunt seculo,
 Velut pice harent musculi,
 Et vix queunt emergere.
 Qui mella miscent fellibus,
 Gratum veneno pharmacum,
 Murina piperi stercora,
 Formamq. possunt omnibus

I 2

Spa

*Speciosiore affingere,
Ceu venditores plurimi
Nouere nundinarii,
Qui, cum superne splendida
Et pulchra mercimonia
Sub fraude collocauerint,
Subtus recondunt pessima,
Ocellulis non obuia
Ementium, atq; vacceo
Vix æstimanda stercore,
In orbe sunt potissimi,
Primasq; sedes occupant.*

*Si quid vetustate oblitum,
Antiquitate marcidum
Conspexerint nequissimi,
Coloribus mox oblitum
Recentibus consarciant,
Nouūq; miscent mercibus,
Modosq; fingunt plurimos,
Quibus scelesti ementium
Exhauriant crumenulas.*

*At quantulum iste venditor
A fure censet differat?
Certe videtur admodum
Discrimen esse paruulum.
Ab hoc cauere quis sibi
Potest, ab illo vix potest.*

NOTÆ.

NOTÆ.

VIdetur quæ de mercatorum ac institutorum moribus supra ad odam 16. adnotauimus, quæ & huc quam commodissime quadrant. *Est quidem mercatura, secundum Aristotelem lib. 1. Polit. per se non vitiosa, licet habeat turpitudinem. Ideoque licita est, si sit ad finem honestum vel necessarium, id est, si negotiator lucretur moderate, scilicet vel ad suæ familiæ sustentationem, vel pauperum, vel communis. At ubi saltem turpis lucri gratia exercetur, ad decipiendos homines, execranda est omnibusq; diris deuouenda.*

I.

*Mercatura
an sit licita.*

Apud Thebanos lex fuit, quæ vetuit τὸν δῖον καὶ ἐπὶ μὴ ἀποσχισθῆναι τῆς ἀρχῆς μὴ μετέχειν ἀρχῆς; id est, eum qui decem annis à commerciis non abstinisset, remoueri à gubernatione. Causa non est vna. Primum, quia consuetudine & inclinatione sunt auari, ideoque facile publicam rem in suam vertunt utilitatem. Secundo, quia parum magnanimi aut splendidi, atque ut Aristotelis verba usurpem, ἀγενὴς ὁ τοιοῦτος βίος καὶ πρὸς ἀρετὴν ὑπερβαίνει, id est, Parum generosa est hæc ratio vitæ, & virtuti aduersa. Tertio, quia fallaces sunt & dolosi vt plurimum. Quarto deniq; quia in publica persona auctoritatem id minuit, & vt Liuius ait, *quæstus omnis indecorus Patribus est visus.*

II.

*Mercatores
ad gubernationem non
sunt admo-
uendi.*

7. Polit. c. 9.

lib. 21.

III.

Mercato-

I 3

nitius

rum mores
quales.

nitiuſ excutiamuſ, paſſim peculiare illiſ eſſe animaduertemuſ, mentiri, peierare, fallere: nulla illiſ lucrandi ratio turpiſ: ita omniſ eorum vita, omne ſtudio ad quaſtuſ, ad lucra, ad uſuraſ adornata eſt, ut dieſ nocteſque id vnice operam dent, quomodo multoſ pecuniarum cumuloſ coaceruare, perque faſ nefaſque corradere poſſint. Etenim, ſi Auguſtino credimuſ, *nulli ſine fraude diſceſcunt: lucrum habere nemo poterit, niſi fraudem ſecerit.* Ideo mercator

———— *pleniſ aq̃uo*

Laudat venaleſ, quāſ vult extrudere, merceſ.

Et, conſentiente alio,

Periurata ſua poſtponit numina lucro

Mercator, Stygiis non niſi dignuſ aq̃uiſ.

Emit hic, vendit ille, portat hic, ille aſpirat, hic creditor, ille debitor, hic ſoluit, ille recipit, alter rationeſ ſcribit: omneſ autem peierant, fraudant, fallunt, nec animæ, nec corporiſ, nec fortunæ periculum verentur, modo lucrum ſperant: non cognationeſ, non affinitateſ, non conſanguinitateſ reſpiciunt, ſed, ſecundum Poetam

———— *amicitiāſ utilitate colunt.*

Nulliſ laboribuſ parcent, nulliſ moleſtiis abſterrentur, ſed veluti extra mentis uſum conſtituti omneſ orbis anguloſ cum ſummo vitæ & fortunæ periculo perreptant ac peruagantur. Imo, quod Horatiuſ ait,

Impi-

*Impiger extremos currit mercator ad Indos,
Per mare pauperiem fugiens, per saxa, per ignes.*

Quis vero fraudes omnes percenseat, quibus mercatores utuntur in lana, lino, serico, panno, gemmis, aromatibus, cera, oleo, vino, frumento, equis, aliisque animalibus, denique in omnium mercium genere? Quis monopolia enumeret, quibus non tantum totas ciuitates, sed & regna exhauriunt? Quis satis vituperet fugas istorum, qui non raro ingenti ære alieno cōsarcinato, constituto alibi domicilio, inde vero prostituta fide, verso solo, profugi, & sero aut nunquam redeunt, creditores fraudant, & ad desperationem ac laqueum adigunt? Ipsi sunt qui chirographis & obligationibus implicant & explicant ciues, debitorumque adeo profundas figunt radices, ut euelli deinde nequeant, sed veluti in gyrū pullulantes, & ex debitis debita germinantes vrbes earumque incolas suffocant & euertunt, omnemque substantiam inexplebilibus quasi faucibus glutiunt atque deuorant. Ut paucis dicam; omne eorum institutum non nisi mendacia, fuci, sermonum nebulæ, fraudes, furta, expilationes, insidiæ, & imposturæ manifestæ.

Hinc Græci mercatores nequaquam intra vrbes recipiebant, sed ut ciues à periculi suspicione essent immunes, à pomæriis non longe forum venalium statuebant. Pleraque alia gentes mercatores ad se accedere prohi-

bucunt, quod mores deprauarent. Ideoque Plato eos vituperat, quod optimos inquinēt mores, & in bene constituta Republ. lege cauendum censet, ne externarum gentium delitiæ in urbem comportentur, ac ne quis ē ciuibus, minor quadraginta annis, peregre proficiscatur, mercaturæ exercendæ gratia, exteri autem ad suos remittantur, eo quod istiusmodi hominum contagiis ciuium mores facile in peius possint mutari, vel etiam omnino deprauari. Notatu dignum est monitum Augustini, quod Mercatori suggerit: vbi istud addidero, ad vltiora transibo. Ecce, inquit, *Diabolus proposuit lucrum, & mutuauit ad fraudem: lucrum habere non poteris, nisi fraudem feceris: sed lucrum esca est, fraus laqueus: sic attende escam, vt videas & laqueum, quia lucrum habere non poteris, nisi fraudem feceris: fraudem autem si feceris, capieris.*

O D A XXVII.

In desperata malitia adolescentes.

N V C L E V S.

Aethiopem lauat, qui desperatæ nequitiae
puerum emendandum suscipit.

V Mbra caballus virgula
Poteſt domari nobilis,

Ignor-

Aquam hic in puteum infundit.



Ignobilis calcaribus
 Petitus atq; grandibus
 Vix concitatur fustibus,
 Sic & puellus nobili
 Bonaq; præstans indole
 Verbis locum monentibus
 Relinquit: atqui degener

I 5

Nec

Nec verbulo, nec verberē
Potest acerbo corrigi,
Omnisq; diligentia
Et omnis emendatio
Consumitur frustraneē,
Oleum ac opella perditur,
Fontiq; lymp̄ha infunditur,
Nullus potest hortatibus,
Nullisq; suasionibus
A prauitatis insita
Oestro scelestus reprimi.
Qualis puer, talis senex,
Vt oua sunt, sic sunt aues,
Quam scilicet semel viam
Calcauerit nequissimus,
Vix hanc deinceps deferet,
Nec vel minis, vel ictibus,
Blandisue sponsonibus,
Posthac ab huius semita
Poterit reuelli gressibus:
Donec cruento carnifex
Affligat istum premio,
Longamq; faxit literam,
Vel curtio rem palmula
Reddat, rota vel enecet.
Nam qui parentum despicit,
Et Padagogi munia,
Non is (mibi crede) alterum
Vita meretur exitum.

NOTÆ.

N O T Æ.

AD hanc odam vide quæ paulo prius ad *Liberos in*
 18. adnotavi. Hic vnum atque alterum *parentes*
 saltem Poetæ monitum addam, de cultu & *quales esse*
 obseruantia parentum, quam illis liberi de- *deceat.*
 bent.

Euripides in Herc.

Nihil est tam honorificum liberis,
 Quam bono & honesto genitore esse natos,
 Et debitum honorem parentibus offerre.

Nihil est genitrici sua prole suauius.

Amate matrem, ô liberi! Non enim est amor
 Vllus huiusmodi, & qui suauius ametur.

Plautus in Trinummis:

Feceris par tuis ceteris factis, patrem
 Tuum si percoles per pietatem.

Comicus Græcus:

βέλτε γονεῖς πρὸ πάντων ἐν πρώτῳ ἵχεν.

Tibi sunt parentes primo honorandi loco.

ἔλπιζε, πμῶν τὰς γονεῖς, πρᾶξεν καλῶς.

Colens parentes lata speres omnia.

Euripides:

Quisquis in vita sua parentes colit,

Hic & viuus & defunctus diis charus est.

Timocles:

Quicumq; patrem timet ac reueretur,

Hic in bonum ciuem euadet procul dubio,

Et hostibus incommodare poterit.

Or-

Orpheus:

*Iupiter inspicit illos, qui colunt iura parentum,
Et qui negligunt præ animi impudentia.
Ac illis quidem benignus & mitis bona largitur;
His vero infensus indignatur per furias.
Sunt enim vehementes in terra parentum furia.*

O D A XXIIIX.

In eos, qui maiora viribus suis suscipiunt, & qui neglectis preciosis vilia querunt.

N V C L E V S.

*Plumbum auro præfert, qui terrena
cœlicis.*

Q*ui talibus se pragrauat
Negotiorum molibus,
Quibus sit impar viribus:
Vel qui relictis cœlicis
Terrena querit commoda,
Opesq; temporaneas,
Vanas, caducas, fluxiles,
Bis ille stultus inuium
Frangit nuces per sacculum,
Nec delitentem intrinsecus
Attingit ore nucleum.
Æterna vita nucleus,*

Terre-

Hic per saccum nuces frangit.



Terrena vita est sacculus.
 Hunc sacculum conuellimus,
 Mordemus ore, volumus,
 Noctes diesq; mandimus,
 Sed nucleum non rangimus.
 Sectamur umbram luminis:
 Sed lumen ipsum spernimus.

Os

Os dentibus corrodimus:
 Carnis medullam temninus.
 Quis non furorem pessimum
 Miretur atq; insaniam?
 Sed & sacratae virgines
 Vel omnium potissimum
 Hunc pertinent ad ordinem;
 Quae castitatem vouerant
 Deo perennem maximò,
 Sed omnibus sunt interim
 Scortationis obuii
 Libidinisq; motibus,
 Fortassis iras hostico
 In me fouebunt pectore,
 Quod tam pudenda virgines
 In sede collocauerim:
 At rideo. Nam sapius
 Dignum est patella operculum.

NOTÆ.

*Terrena cœ-
 lestibus non
 sunt præse-
 renda.*

SI alicui optionem dares inter aurum &
 Plumbum, iuberetque, vtrum ex illis vel-
 let, sumere; ille autem spreto neglectoque
 auro acciperet plumbum, nonne illum stul-
 tissimum esse diceret? Vtique. O insana er-
 go & delira mundi studia, qui neglectis bo-
 nis cœlestibus, præ quibus aurum sordere vi-
 deri possit, terrenis, quæ nil nisi stercore, & si
 quæ illis viliora, sunt, inhiat. Recte Audoe-
 nus:

De-

*Desleret mores, si viueret, Heraclitus,
 Nostraq; rideret tempora Democritus.
 Quanquam ad ridendum curas & inania mundi
 Splenis Democritus non satis vnus habet.
 Ad casus hominum lacrymarum more rigandos,
 Heraclite, oculi non satis ambo tui.
 Alludit huc flosculus 98. Horruli mei An-
 thologicomelici, quem lubet addere:
 Vix bona perdurant oculi terrestria nictum,
 Collata aternis, quæ sine fine, bonis.
 Illa indefessis conatibus atq; labore
 Quærimus Herculeo: Cælica respuimus.
 O mores reprobos! O inertia pectora! gemmis
 Quæ sibi neglectis stercora fœda legunt.
 Si animam, inquit Chrysostomus de recu-
 per. laps. negligamus, nec corpus saluare poterimus.
 Animam igitur omnium curet primam, qui
 corpus saluari cupit.*

O D A XXIX.

*In eos, qui prudentiores sibi ipso Deo vi-
 dentur.*

N V C L E V S.

Ouum præ gallina vult sapere.

S*ed nec Deum ter optimum
 Ter maximumq; pessimus*

Homus-



Homuncionum præterit
 Furor, nec absq³ scommatis
 Sinit hunc abire liberum,
 Sed vel caillis obruit,
 Vel impetum morsibus
 Conuertiatur, corrigit,
 Taxat, refutat, increpat:

Hic

Hic imbrium vult copiam,
Hic siccitatem postulat:
Huic solis aestus carpitur,
At frigus illi disp'icet:
Austri ille status expetit,
Nothum sed ille suspicit,
Et nemo non prudentior
Ipso videri vult Deo.
Quod si veniret cœlitus
At nos Deus iustissimus,
Hac cogeretur singula
Nobis magistris discere,
Scholasq; nostras visere.
Sed proh nefandam insaniam,
Nefanda proh piacula!
Audere nequam peccatum,
Qui nescit haram verrere,
Vel cochleare effingere,
Deum do. ere maximum,
Qui nil nisi est prudentia,
Cuius potestas cmicat
Per vasta mundi climata;
Quiq; omnium scit optime,
Qua temporibus cunctis
Par aeris sit qualitas,
Et pro sua sapientia
Recte gubernat omnia.

K

NO-

NOTÆ.

Axioma à Christo ipso prolatum est Mat.
 10. *Non est discipulus supra magistrum, ne-
 seruum super dominum suum.* De iure docet Sal-
 uator. De facto autem quid fiat, præsens do-
 cet oda. Quis non quotidianas, imo mo-
 mentaneas plurimorum hominum audit
 querelas? cuius aures non feriunt? Huic So-
 nimio suo calore est molestus, ille frigus do-
 let: Hic imbrem, qui arua prædiaque sua fru-
 mentis obsita irriget, exposcit: ille iter ali-
 quod aggrediens imbrem modis omnibus
 auersatur, siccitatemque postulat. Hæc viti-
 bus tempestas, illa hordeo, ista tritico, hæc
 gramini non satis conueniens reprehenditur.
Quid multa? Quot homines, tot sententiæ. Sed
 quid de illis dicam, qui imperscrutabiles di-
 uinæ sapientiæ abyssos insulsis suis mentibus
 rimantes non verentur iniustitiæ atque ini-
 quitatis Deum arguere? modo hanc modo
 illam eius actionem cauillantes, cur proto-
 oplastos homines labi permiserit, cur pauci ad-
 modum æternæ vitæ fiant participes, cur e-
 contra maxima impiorum multitudo in cru-
 ciatus infernales, perpetuo verme discrucia-
 da, præcipitetur, cur non statim omnium præ-
 cibus satisfaciatur, cur cæco huic visum, surdo
 isti auditum. dementi mentem, pauperi diui-
 tias,

tias, de formi pulcritudinem, ægro sanitatem non restituat. Hæc & similia curiosi nasutuli-que isti homunciones mirantur, non solum autem mirantur, verum etiã reprehendunt. Sed ô vecordes! ô insanos! Qui freta, qui terras, qui regit astra, Deus cur non pro lubitu suo creaturas suas moderetur? quis tempestatem ab ipso effectam, quis pluuias ab illo immittas, quis solis splendorem, quis tonitrua culper, cum ipse solus omnium optime no-uerit, quando his omnibus sit opus?

Qui suo bono sapit, cum Boet. Deum sapientissimum sic potius affectur:

*O stelliferi conditor orbis,
Qui perperuo nixus solio
Rapido cælum turbine versas,
Legemq; pati sidera cogis, & c.
Tu frondis lue frigore blumæ
Stringis lucem breuiore mora.
Tu cum feruida venerit æstas,
Agiles noctis diuidis horas.
Tua vis varium temperat annum,
Ut quas Boreæ spiritus aufert,
Reuehat mitis Zephyrus, frondes & c.
Nihil antiqua lege solutum
Linqvis propria stationis opus
Omnia certo fine gubernas.*

Hæc verba posteriora, pii hominis animum, priora illa nebulonis indicant.

O D A XXX.

In eos, qui occasionem peccatis suppeditant.

N V C L E V S.

Vitanda non solum mala, sed &
malorum occasio.

Non est malum solummodo,
Paulo monente Apostolo,

Nisi cauendum sedulo,
Sed & malorum occasio.

Qui non videri publicus
Vis æropola postibus
Hedram reuelle pendulam,

Notumq; fiet omnibus,
Nullum tuis in adibus
Venale vinum porrigi.

Qui fur videri non cupis
Facto, nec esto gestibus,
Vgoq; non ocellulos

Ad furtia circumfer tuos.
Vin' haud vo ere adultera?

Adultera, ubterfuge
Gistus, & haud libidini
Occasionem juggere.

Tales enim quamplurima

In or-

Hederam hic suspendit.



In orbe dantur fœmina,
 Quarum licet fœdas nates
 Senilis aret rugula,
 Tamen priorum fœciles
 Meminere quando criminum,
 Nouo resultant gaudio,
 Et blanda delectatio

K 3

Ti-

*Titillat in pæcordiis,
 Et ad patranda talia
 Iuenculas fœmellulas
 Sermone blando concitant.
 Peccata nobis scilicet
 Possent caueri plurima,
 Si præstituta criminum
 Præcideretur ansula.*

NOTÆ.

QVi cum hoste pugnam init, omni ex parte armatum incedere oportet. Nam si vel vnica ex parte fuerit inermis, ob id mortis periculo expositus erit. Finxerunt olim Poetæ Achillem in lacu Stygio lotum fuisse, & solas pedum illius plantas aquas illas non attigisse, vnde totum eius corpus ita forte ac validum fuisse dicebant, vt nullo modo vinci, nec feriri ad mortem posset. Per plantam vero pedis vulneratus obiit: quo significare voluerunt, nullam prorsus inermem partem hosti exponendam esse. Id ipsum & de bello spirituali dicendum est, quando cum diabolo, carne, ac mundo bellum gerimus. Curandum igitur valde nobis est, ne minimum quidem locum hostibus demus, quo vulnus infligere nobis possit. Quod quidem fiet, si passionibus omnes moderati fuerimus: Si vero vnicus affectus immoderatus, siue avaritiæ, siue ambitionis, siue gulæ, siue inuidiæ, remanserit, quamuis reliquos omnes iam rationi sub.

subdiderimus, inde nobis mortem adsciscemus. Idem n. profecto de occasionibus, quod de passionib. dicendum est: nam licet cunctis occasionib. clauderis cordis ostium, si vni tantum occasione rimulam aperueris, ea peribis: cunctas igitur occasiones vitare omni studio debes, vt salueris. Ideo Christus Matt. 5 Paralyticum, pristinae sanitati restitutū, iubet tollere secum lectulum suum. Lectulus ille symbolum est earum rerum, circa quas peccatū, quod libet, versatur, in quib. perdit homines tam diu iacent, quādiu illi peccato adhærēt. Auarus videlicet in pecuniis, superbus in honoribus & dignitatibus, libidinosus in delitiis, conuiuiis, impudicisque sermonibus: ac deniq; quaelibet occasio peccandi est, velut lectulus quidam, in quo semel ac iterum peccatores recumbunt. Hanc ergo vult Christus illū à se amouere, qui ad animi sanitatem restitutus est. Sic Plutarch. refert, Lycurgū Spartiarum legislatorem sanxisse, omnes vineas, quæ in regno Lacedæmonia plantatae fuerant, eradicari, eo quod Spartiatae potationibus & ebrietatib. nimis vacarent. An prudenter ita sanxerit, nolo hic diiudicare: certe intentio principis huius laude dignissima est, q̄ reipubl. abusum & malū videns, non solum malū ipsum emendare curauit, sed etiā occasiones malorū. Si profan⁹ hoc princeps fecit,

K

4

quid

152 NEBVL. NEBVLON.

quid Christianis nostris hac in parte agen-
dum, ipsi videre poterunt. Vt paucis dicam,
qui sapis, iuxta Poetæ illud,

*Principiu obsta: sero medicina paratur,
Cum mala per longas inualuere moras.*

O D A XXXI.

*In eos, qui in se ipsos sunt iniuriosi, sibiq, ipsis
malum creant.*

N V C L E V S.

Inimicus sibi, amicus nemini.

Volucris obscenissima
Est, omniumq, pessima,
Merda solet quæ proprium
Contaminare nidulum:
Sic ille nequam est pessimus,
Qui laudis immemor sue,
Suiq, prius nominis
Oblitus, in famam irruit
Iniuriosus propriam.
Nam qui sibi haud pepercerit,
Ut iste parcat alteri?
Sic qui parentes liuido
Suggillat ore proprios,
Et qui maligne proprium

Con-

Volucris hæc proprium stercore con-
spurcat nidum.



Conuictus ut principem,
Suaque prodit patriam:
Et qui maritæ propria,
Et quæ mariti proprii
Sæcra pandit criminæ
Sic qui laboris compares,

K 5

Par-

Pariliq₃ iunctos munere
 Probris laceſſit turpibus,
 Horumq₃ nauos publica
 Pro concione predicat:
 Nam illies nequiſſimus
 Ille eſt, homog₃ peſſimus,
 Et non minore perditus
 Obſcenitate ſurciſer,
 Quam quæ volueris proprium
 Solet cacare in nidulum.

NOTÆ.

I. **V**etus eſt verbum: Proximus ſum egomet mi-
 hi. Contra qui in ſeipſos ſunt iniurioſi,
 Quisq₃ ſibi eſt proxi-
 mus. quomodo in alios poterunt eſſe æqui? Hinc
 Periandri monitum: *ſταυτὸν μὴ ἀμέλει*. Id eſt: Te
 ipſum ne negligas. Et Menandri iſte Senarius:
ἑαυτὸν δ' ἔδεις ὁ μολογῇ κακῆρζεν.
 Seipſum nullus fatetur eſſe malum.

Proinde ſi nemo in ſeipſum eſt acerbus, nec
 in amicum erit. Nam hæc amoris eſt natura
 in Philoſophicis: *Amicus meus alter ego*: Vnde
 cum Alexander Magnus ſocium ſecum ami-
 cum quendam deferens ad viſitandam regi-
 nam Aſiæ pergeret, & illa amicum Alexandri
 ipſum Alexandrum eſſe cenſens, Alexandri
 honores illi tribuiſſet, erroremque ſuum de-
 prehendens erubuiſſet; Bene, inquit Alexan-
 der

der, factum est: nam & hic Alexander est. O rege
dignam vocem! Ideo enim, ait Chrysostom.
hom. 24. in I. ad Cor. autor ipse rerum Deus iam
olim à principio sexcenta commentus est, quibus cari-
tatem in proximos nobis inculcaret. Primum caput
vnum omnibus dedit ipsum Adam; cur enim è terra
non sumus, vt ad concordiam flecteret nos: nam si
nunc, quia locis dissidemus, alienos nos inuicem puta-
mus, si generis nostri duo principia extitissent, quid
esset? Et ob hanc causam nec mulierem ex terra se-
cit, sed ex costa viri, vt, quia eiusdem substantia su-
mus, in vnum perducamur, & ex horum procreatione
multi nascuntur affectionis modi: hunc, quia frater,
amamus, hanc quod sit mater, illam, quia nutrix, hunc
quia filius, illum, quia nepos, & illum, quia prone-
pos, hanc quia filia, illam, quia neptis, hunc, quia fra-
ter, illum, quia ex fratre nepos, hanc, quia soror, illam,
quia ex sorore neptis, &c. Quorum ergo ex nu-
mero istum esse censebis, qui non solum in
amicos, socios, coniuges, liberos, verum & in
se ipsos iniuriosi esse non verentur?

Isti autem profecto in extremo nequitiae
gradu constituti sunt, qui, si quos in paren-
tibus suis defectus viderint, tanta sunt im-
pudentia praediti, vt non vereantur, pub-
lice illos apud alios traducere, modisque
omnibus adlaborent, quo publicae illos
famae atque infamiae exponant. Quod v-
bi effecerint, mirum quam tripudiant,
quam

II.

*Amoris in-
centiva qua*

III.

*Quorundam
in parentes
impietas
quantia.*

quam lætantur, quam, re quasi bene gesta, gestiunt! Sed quid aliud quæso agunt, quam quod se ipsos omnium ludibrio atque fabulæ exponunt? Imo duplex inde ad istos recidit incommodum. Dum enim parentes taxant, se ipsos etiam taxant, cum pater & filius vna eademque censeantur persona. Iniurius igitur in patrem in se ipsum simul iniurius est. Accedit huc, quod ratio dicitur, illos scelestissimos esse, qui parentum sese proditores exhibent. Hinc altera & turpior multo infamia in ipsos redundat. Vt paucis dicam, parricidæ sunt isti nebulones. Etenim, crede mihi, si tantum possent factis, quantum audent verbis, vita profecto parentum præsentissimo periculo esset exposita. Sed pergo ad Odam sequentem.

O D A XXXII.

In Confessiones quorundam sceleratorum hominum.

N V C L E V S.

Qualis confessio, talis absolutio.

NEquum reductos hactenus
In ordinem re. ensui,

Suamq,

Nequam hic confessionem facit.



Suamq; sedem singulis
 Pro dignitate debitam
 Ascriptitasse me puto :
 At nunc eorum in publicum
 Confessiones proferam,
 Quibus parrata nunciant
 Delicta confessorio.

Sicri-

Si crimen, aiunt, forsitan
Quoddam patraui, vel scelus,
Quod vix tamen putauerim,
Culpam remittas, obsecro,
Et absolutum crimine
Reddas piorum cœtui.
O consistentem pessimum,
Hominemq; peruersissimum!
An vero a huc tecum ambigis.
Num scæda perpetraueris,
Sceleste nequam, crimina?
Quem tanta lerna criminum
Contaminauit turpium,
Et sordidatum pessima
Contagione perdidit.
Iustus dictum septies
Delinquit, at tu furcifer
Quot per diem piacula
Committis atrocissima?
Quæ qui notare gestiât,
Notare stellas audeat.
Si confiteri crimina
Vereris, heus cur talia
Ausu patrare sæpius
Non erubescis perfido?
Cauere fumum qui cupis,
Flammam caue vel supprime:
Est flamma fumo proxima.

NOTÆ.

N O T Æ.

DE vsu & necessitate confessionum elegans est Epigramma Iacobi Billii in Anthol. sacra, quod adscribere liber:

Cum quadam immodicum fundit pars agræ cruorem

Vt medeare malo, vena secanda tibi est.

Sic tibi cum celerem minitantur crimina mortem,

Numinis inq̃, tuum iam cadit ira caput:

Te serias, tuaq̃, in te ipsum desauat ira:

Sic etenim magni concidet ira Dei.

Nam sese excusat, quicunq̃, accusat: inultum

Et finit hunc, qui se non finit, esse Deus.

Ouid. Metamorph. lib. 10. fab. 9.

Numen confessis aliquod pater.

Isidorus lib. 1. cap. 12. Confessio, inquit, sanat, confessio iustificat, confessio peccatis veniam donat. Omnis spes in confessione consistit. In confessione locus misericordia est. Nulla tam grauis est culpa, quæ per confessionem non habeat veniam.

Seneca lib. de moribus: Vbi est confessio, ibi remissio. Idem ad Luc. epist. 28. Initium est salutis, notitia peccati. Nam qui peccare se nescit, corrigi non vult. Ideo quantum potes, te ipsum coargue, inquire in te, accusatoris primum partibus fungere, deinde iudicii, nouissime deprecatoris.

Ori-

Origenes: Sicut ii, qui habent intus in: lufam
 escam indigestam, aut humoris vel phlegmatis sto-
 macho grauter & moleste imminetia, si vomuerint,
 releuantur: ita etiam hi, qui peccauerunt, siquidem
 occultant & retinent intra se peccatum, intrinsecus
 vrgentur, & propemodum suffocantur à phlegmate,
 vel humore peccati: si autem ipse sui accusator fiat,
 dum accusat semetipsum & confitetur, simul euomit
 & delictum, atq; omnem morbi d'gerit causam. In
 Psalm. 37. hom. 2.

O D A XXXIII.

In perditos & desperabundos homines.

N V C L E V S.

Desperatio certa mors est [Ambros. super.
 Luc. lib. 2.]

Qui demoni se deuouet,
 In propriumq; mancipat
 Velut istius peculium,
 Si fors sinistra forsitan
 Affligat aut arumnula,
 Nebulone quous nequior
 Ille est, & arctis nexibus
 Cauda ligatus inferi
 Viderur esse Cerberi.

Sipau-

Caudæ hic Diaboli insidet.



Si paululum infortunis
 Inceßitur, mox perditus
 Desperat, & turpissimas
 Ore euomit blasphemias,
 Deumq; multis questibus
 Iniuriarum postulat,
 Quod immerentem talibus

E

SE

Se prosequatur ictibus,
 Cum tam pius sit haecenus,
 Vitamq₃ degat optimam.
 Quod si preces non illico
 Illius exaudit Deus,
 Moramq₃ paruam interiicit,
 Spe prius omni, pessimo
 Longeq₃ crudelissimo
 Sese enecat suspendio,
 Cultroue fauces dissecat,
 Vel in fluentem desilit.
 Eiusmodi sicarius
 Propriiq₃ latro corporis
 Indignus est, nebulonibus
 Quem conseras prioribus,
 Sed illigatus foetida
 Plutonis atri caudula
 Pronoq₃ princeps impetu
 Ad nigra fertur tartara.

NOTÆ.

*Desperatio
 quâcum sit
 peccatum.*

Desperatio vltimum est vitiorum, tamq₃
 atrox ac grande, vt hominem, ea expu-
 gnatum, ipsis Diabolis similem faciat. Illa est,
 cui nullum remedium, nulla medela, nulla
 salus potest adhiberi. Est quidem nobis
 quamdiu lucis huius vsura fruimur, pœnitē-
 tiæ ac salutis ianua nunquam occlusa, cum
 gratiæ & bonitatis diuinæ porta omnibus
 serio

serio resipiscentibus peccatoribus pateat. At
 ubi desperatio istam occluserit, tūc omnino
 de nobis nostraque salute est actum. Quem-
 admodum enim iactantia & præsumptio pro-
 priorum meritorum hominem facillime e-
 uertit, ita è contra desperatio eundem non
 modo prorsus pessumdat, verum etiam re-
 cta ad Orcum dat præcipitem. Vnde Augu-
 stinus lib. de Symbolo: *La:ro, inquit, agnouit,
 & Petrus negauit. Caueat ergo bonus, ne præsumat
 per superbiam, malus vero ne desperet per malitiam.*
 Ut paucis dicam, desperatio est omnimo-
 da animæ euersio, & ad mortem eternam si-
 ne vlla gratiæ spe deductio, quia qui semel
 desperatus fuerit, ad salutem amplius non
 redibit, iuxta illud Prophetæ: *Desperavi nequa-*
quam faciam. Atque eiusmodi desperabundi Ier. 2.
 oppido mihi videntur similes esse rhinoc-
 eroti, qui viuus nunquā aut vix certe capi po-
 test. Statim n. ubi captum sese videt, præ indi-
 gnatione mortem sibi ipsi spontaneam infert:
 Sic isti etiam, postquam retribus Diaboli, i. e.
 peccatis sese implicatos atque inuolutos vi-
 dent, malo hoc non contenti vltro etiam in
 desperationis barathrum, nulla pœnitentiæ
 ratione habita, sese iaciunt præcipites, illudq;
 eiusdem Prophetæ crepant: *Desperauimus, post* Hier. 38.
cogitationes nostras ibimus. Et istud quidem sum-
 mum est periculum, quando ille, qui bonum
 se fieri posse desperat, non eo adlaborat, vt

L 2 bonus

bonus fiat, quia, vt ait Seneca lib. de morib.
Nunquam se mutat, qui se posse mutari desperat. De
 Taxo naturalium historiarum scriptores re-
 ferunt, quod cauda sua villosa cauernæ suæ
 foramina vndiquaque, modo contra Australe-
 m, modo contra Aquilonarem flatum, ne
 qua perrumpere possit, obstruat. Idem pro-
 fecto faciunt desperati. Nam hi cordis sui ca-
 uernas per desperationem, non solum contra
 Australem flatum, hoc est, contra prædica-
 tionem verbi diuini, sed etiam contra Aqui-
 lonarem, hoc est, contra ærumnas & persecu-
 tiones adeo obstruere solent, vt neutrum i-
 storum vnquam admittant, sed velut furiosi
 ac insani in propriam proni ruant perniciem.
 Supplicibus igitur Deus est sollicitandus pre-
 cibus, vt periculosissimum istud desperatio-
 nis peccatum procul à nobis amoueat, & sic
 ubi peccauerimus (peccamus autem innu-
 merabiliter) gratia nobis sua benignus adsit,
 vt seria admissorum scelerum pœnitentia du-
 cti vitam deinde emendemus, nec vnquam
 desperationis violentia victi succumbamus,
 quæ reuera secundum illud vulgatum,
 gehennæ est initium & diuinæ
 gratiæ

F I N I S.

EPI-



EPILOGVS.

Parodia ad Oden 3. lib. 4. Carm. Horatii.

Quem tu Melpomene semel, &c.

Quem fax nequitiae semel
Viuentem reprobò lumine viderit,
Illum non labor Isthmius
Frugì restituet: non equus impiger
Curru magnifico feret
Victorem; neq; res publica honoribus
Ornatum variis virum,
Quod nequam tumidas contuderit minas;
Ostendet procerum choro:
Sed, quas Mœnvs aquas gurgite proluit,
Vel certe arborea trabes
Reddent aridulo stipite pensilem.
Nostri CÆSARIS inclyta
Dignata est bonitas inter amabiles
Vatum ponere me choros:
Et iam dente magis mordeor inuido.
Verum ô furcifer improbe,
Vastos qui strepitus turpiter excitas;
Te prædam fore piscium,
Coruorumue, volo, si lubeat magis.
Totum muneris hoc tui est,
Quod monstror digito prætereuntium
Conatus fidicen tui:
Quod scribo, & placeo, si placeo, tuum est:



